

四庫全書

子部

欽定四庫全書

子部

玉海卷一百三十三

詳校官中書臣張經田

主事臣祁韻士覆勛

總校官進士臣朱鈐

校對官助教臣卜維吉

謄錄監生臣朱坤

欽定四庫全書

玉海卷一百三十三

宋 王應麟 撰

官制

屬國 都護 都督

聖王之德西被流沙東漸于海朔南暨聲教言欲與
聲教則治之不欲與者不彊治也故君臣歌德含氣
之物各得其宜

漢五屬國

又見都尉

紀元朔五年春大將軍衛青將六將軍兵十餘萬人出

朔方高闕獲首虜萬五千級六年二月出定襄數百仍

復克獲元狩二年春三月表云三年必有一誤驃騎將軍霍去病

出隴西至臯蘭斬首八千餘級得休屠王祭天金人夏

復與公孫敖出北地二千餘里過居延仍大克獲秋匈

奴昆邪王殺休屠王并將其衆合四萬餘人來降置五

屬國以處之以其地為武威酒泉郡注師古曰凡言屬國者存其國號而

屬漢朝故曰屬國 去病傳上嘉去病之功曰降異國
王三十二云云迺分處降者於邊五郡故塞外而皆在

河南因其故俗為屬國注師古曰不改其本國之俗而
屬於漢故號屬國 表元狩二年昆邪王降復增屬國

置都尉丞候千人 劉歆議武帝置五屬國起朔方
揚雄賦分黎單于磔裂屬國 杜篤賦并域屬國一郡

領方 發其騎以擊胡則破奴將之發其騎以伐宛
則貳師將之 趙充國發屬國胡騎為田者游兵

功臣表昆侯渠復翁以屬國大首渠擊匈奴侯 元鼎五
年五月

戊 騏侯駒幾以屬國騎捕單于兄侯 壬子 梁期侯任破
年五月

胡以屬國都尉間出擊匈奴侯 五月 辛巳 百官表屬國都

尉武帝初置 輪臺詔曰屬國都尉成忠趙破奴 典屬
國卿也所以統邊郡屬國都尉等官也

地理志安定屬國都尉治三水

劉歆蓋思齊張奐為之皇甫規奏免安

定屬國都尉李翕

上郡屬國都尉治龜茲

馮奉世傳上郡屬國歸義降胡萬餘人

天水屬國其都尉治勇士

富平侯張放

五原屬國其都尉治

蒲澤

征和三年輝渠侯雷電以五原屬國都尉與貳師俱擊匈奴馮立亦為之

劉茂五原屬國侯

張掖屬國其都尉治日勒

後志今昆邪故地武帝置元鳳三年張掖屬國都尉郭

忠發兵擊匈奴屬國千長義渠王騎士射殺黎汗王二月癸丑封成安侯哀帝以班犂為西河屬國都尉

匈奴傳竟寧元年侯應曰設塞徼置屯戍非獨為匈奴而已亦為諸屬國降民本故匈奴之人恐其思舊逃亡綏

和元年夏侯藩說單于曰匈奴斗入漢地直張掖郡漢三都尉居塞上士卒數百候望久勞宜上書獻此地

後官志

兼本紀

每屬國置都尉一人比二千石丞一人

又實融傳注
有屬國徒

主蠻夷降者建武六年省都尉惟邊郡屬

國都尉往往仍舊稍有分縣治民比郡和永元三年二

月己亥復置西河上郡屬國都尉

注哀帝省并大
鴻臚今復置

安永

初元年正月戊寅分犍為南部為屬國都尉延光二年

又分蜀郡西部為之 郡國志安帝命屬國別領比郡

者六廣漢

別領三城 馮緄為之 順帝永和二年二月廣漢屬國都尉擊破白馬羌

蜀郡

別領

四城犍為

別領

張掖

武帝置安帝時別領五城 實融馮宗馬毅

居延

別領

樂

浪之遼東

別領六城 段紀明公沙
穆為之公孫璿為長史

上郡之龜茲 安

定屬國降胡見於馮異傳注張掖精兵萬騎見於竇融

之傳屬國盧水胡及湟中月氏見於西羌傳

義縱
胡屬國

有故城

永初四年正月梁懂至屬國故城與匈奴戰
耿夔永初三年到屬國故城擊南單于

有

元甲軍騎千長吏士

漢金城屬國

詳見屯田類

紀昭帝始元六年秋以邊塞濶遠取天水隴西張掖郡
各二縣置金城郡宣帝神爵二年夏五月置金城屬國

以處降羌 地理志金城郡昭帝始元六年置戶三萬

八千四百七十口十四萬九千六百四十八縣十三注

臣瓚曰稱金取其堅固也師古注云郡在京師之西故謂金城金西方之行 趙充國傳既破先零其秋羌若

零離留且種兒庫共斬先零大豪猶非楊玉首及諸豪

弟澤等皆帥煎鞏黃羝之屬四千餘人降漢初置金城

屬國以處降羌

金城長史辛慶忌上官鴻 段紀明曰先零作寇充國徙令居內煎當亂邊馬

援遷之三輔始服終叛至今為鯁

後紀和帝永元十四年二月乙卯

繕修故西海郡徙金城西部都尉以戍之

漢西河北地屬國 單于奉珍朝賀 校尉

宣紀五鳳三年三月行幸河東祠后土詔曰往者匈奴

數為邊寇百姓被其害朕承至尊未能綏安匈奴虛閭

權渠單于

地節二年立

請求和親

神爵二年

病死右賢王屠耆堂

代立骨肉大臣立虛閭權渠單于子為呼韓邪單于

四年

擊殺屠耆堂諸王並自立分為五單于

屠耆呼揭車犁烏藉

更相

攻擊死者以萬數畜產大耗什八九人民飢餓相燔燒

以求食因大乖亂單于閼氏子孫昆弟及呼遼累單于
名王右伊秩訾且渠當戶以下將衆五萬餘人來降歸
義單于稱臣使弟奉珍朝賀正月北邊晏然靡有兵革
之事朕飭躬齋戒郊上帝祠后土神光並見或興於谷
燭耀齋宮十有餘刻甘露降神爵集已詔有司告祠上
帝宗廟三月辛丑鸞鳳又集長樂宮東闕中木上飛下
止地文章五色書云雖休勿休祇事不怠公卿大夫其
勉焉減天下口錢赦殊死以下置西河北地屬國以處

匈奴降者

昭帝末

西河屬國胡畔馮奉世持節將兵追擊地理志西河縣三十六戶十三萬六千

三百九十北地縣十九戶六萬四千四百六十一西河美稷有屬國都尉見上續志北地參繚注有青山

謝沈書屬國降羌胡數千人居山田蓄後漢建武二十三年單于詣西河太守求內附二十四年冬北自立

為呼韓邪單于十二月癸丑匈奴始分南後紀和帝北二十六年冬詔南單于徙居西河美稷

永元十一年四月己巳復置右校尉官注東觀記曰置

在西河鵠澤縣

漢典屬國 九譯令

表典屬國秦官

周象

掌蠻夷降者武帝元狩三年

紀云二年

秋 昆邪王降後增屬國置都尉丞候千人

竇融傳注有屬國候

屬

官有九譯令

周象胥舌人之類 棠重九譯故以名官

越 成帝河平元年六

月省并大鴻臚 賈誼傳請試以臣為屬國之官必係

單于之頸

始元六年詔移中監蘇武奉使全節以為典屬國 常惠代蘇武為典屬國明習外國事

又馮奉世任立公孫 昆邪安平侯楊譚為之

漢西域都護

傳西域本三十六國後分至五十餘孝武時張騫始開西域之迹其後驃騎將軍擊破匈奴右地降渾邪休屠

王

元狩二年秋

遂空其地始築令居以西初置酒泉郡後稍

發徙民充實之分置武威張掖敦煌

元鼎六年秋

列四郡據

兩關焉自貳師將軍伐大宛之後西域震懼多遣使來

貢獻漢使西域者益得職於是自敦煌而至鹽澤往往

起亭至輪臺渠黎皆有田卒數百人置使者校尉領護

以給使外國者

又昭帝始元二年冬發習戰射士詣朔方調故吏將屯田張掖郡

至宣

帝時遣衛司馬使護鄯善以西數國及破姑師未盡殄

分以為車師前後王及山北六國時漢獨護南道未能

盡并北道也然匈奴不自安矣其後日逐王畔單于將

衆來降護鄯善以西使者鄭吉迎之既至漢封日逐王

歸德侯是歲神爵三年也

通鑑神爵二年考
異云表傳皆誤

乃因使吉

并護北道故曰都護都護之起自吉置矣

都護三歲一
更絕域之中

久任則生
患故也

僮僕都尉自此罷匈奴益弱不得近西域於

是徙屯田於北胥鞬披莎車之地屯田校尉始屬都護

督察烏孫康居諸外國動靜有變以聞可安輯安輯之

可擊擊之都護治烏壘城去陽關二千七百三十八里

與渠黎田官相近土地肥饒於西域為中故都護治焉

六典注漢宣置都護長史一人至元帝時復置戊己校尉屯田車師前

王庭自宣元後單于稱蕃臣西域服從其土地山川王

侯戶數道里遠近翔實矣凡國五十自譯長城長將相

王侯皆佩漢印綬凡三百七十六人而康居大月氏安

息罽賓烏弋之屬皆以絕遠不在數中其來貢獻則相

與報不督錄總領也後漢傳伊吾車師前部高昌壁後部金滿城此西域之門戶也故戊

己校尉更互屯焉宣紀神爵二年秋匈奴日逐王先賢揮音纒

將人衆萬餘來降使都護西域騎都尉鄭吉迎日逐破
車師皆封列侯 鄭吉傳吉為人強執習外國事自張

騫通西域李廣利征伐之後初置校尉屯田渠黎

本始中常

惠為校尉持節護烏孫兵

至宣帝時吉以侍郎田渠黎積穀因發諸

國兵攻破車師遷衛司馬使護鄯善以通西南道神爵

中

二年秋

匈奴乖亂日逐王先賢揮欲降漢使人與吉相

聞吉發渠黎龜茲諸國五萬人迎日逐王口萬二千人
小王將十二人隨吉至河曲頗有亡者吉追斬之遂將

詣京師漢封日逐王為歸德侯

三年四月
戊戌封

吉既破車師

降日逐威震西域遂并護車師以西北道故號都護

師古

曰並護南北二道故謂
之都都猶大也總也

都護之置自吉始焉上嘉其功

效詔以吉撫循外蠻宣明威信迎日逐王衆擊破車師

兜訾城功效茂著封吉為安遠侯食邑千戶

神爵三年
四月壬戌

封

吉於是中西域而立莫府治烏壘城鎮撫諸國誅伐

懷集之漢之號令班西域矣始自張騫而成於鄭吉贊

曰自元狩之際張騫始通西域至于地節鄭吉建都護

之號訖於莽世凡十八人皆以勇畧選其有功迹者具

此廉褒以恩信稱郭舜以廉平著孫建用威重顯其餘

無稱焉

成帝時郭舜言
宜歸康居侍子

百官表西域都護加官宣帝

地節二年初置

考異云表誤以
神爵為地節

以騎都尉諫大夫使護

西域三十六國有副校尉秩比二千石丞一人司馬候

千人各二人

卒慶忌
為校尉

段會宗傳竟寧中為西域都護

西域敬其威信三歲更盡還西域諸國上書願得會宗

陽朔中復為都護谷永予書曰都護之職總領百蠻懷

柔殊俗傳鄭甘陳之功沒齒不可復見願因循舊貫毋
求竒功元延中烏孫數千騎圍會宗後罷去復遣會宗
使安輯與都護孫建并力甘延壽傳為使西域都護

與副校尉陳湯斬郅支

建昭三年
出西域

後西域傳武帝時

西域內屬有三十六國漢為置校尉領護之宣帝改曰
都護元帝又置戊己二校尉哀平間分為五十五國莽

篡位西域怨叛建武中

二十一年
二十二年

遣使求內屬願請都

護光武不許

十四年莎車王賢與鄯善王安遣使貢獻
於是西域始通十七年賜賢西域都護印

綬及車旗黃金錦繡敦煌太守裴遵言不可詔收還印綬猶詐稱大都護移書諸國二十一年冬車師前王鄯善焉耆等十八國俱遣子入侍願得都護天子還其侍子二十二年鄯善願復遣子入侍更請都護天子報曰諸國力不從心東西南北自在也

永平十六年明帝命將北征取伊吾

盧地置宜禾都尉屯田遂通西域于寘諸國皆遣子入

侍西域自絕六十五載乃復通焉明年十七年始置都護

戊巳校尉十八年焉耆龜茲攻沒都護陳睦建初元年

春迎還戊巳校尉不復遣都護二年復罷屯田伊吾和

帝永元二年竇憲擊伊吾破之三年班超定西域因以

超為都護

十二月復置

居龜茲復置戊巳校尉戊部候六年

超破焉耆於是五十餘國悉納質內屬

十三年任尚代超

安帝

永初元年攻圍都護任尚段禧等六月壬戌詔罷都護遂棄

西域永寧元年置護西域副校尉居敦煌

永寧元年三月班勇上議宜於敦煌

復置營兵三百人及副校尉於是從勇議

延光二年夏以班勇為西域長史西屯

柳中遂平車師論曰張騫懷致遠之畧班超奮封侯之志終

能立功西遐羈服外域自兵威之所肅服財賂之所懷誘莫

不獻方奇納愛質露項肘行東向而朝天子故設戊巳

之官分任其事建都護之帥總領其權先馴則賞贏金

而賜龜綬後服則繫頭纓而釁北闕立屯田於膏腴之

野列郵置於要害之路

西域長史元和三年班超延光三年班勇永元三年徐幹建寧

三年張晏為之副校尉肅宗時李愉延平元年謀謹為之又馮豹有才謀拜河西副校尉

通鑑

永平十六年春伐北匈奴十七年冬十一月遣竇固耿

秉劉張出昆侖塞進擊車師秉以為先後王則前王自

服引兵進後王安得降前王亦歸命遂定車師而還於

是固秦復置西域都護戊巳校尉以陳睦為都護司馬

耿恭為戊己校尉屯後王部金蒲城謁者關寵為戊己校尉屯前王柳中城屯各置數百人恭況之孫也班超傳永平十八年焉耆攻沒都護陳睦超孤立無援而龜茲姑墨發兵攻疏勒建初三年超率疏勒康居于寘拘彌兵一萬人攻姑墨石城破之超既攻姑墨上疏欲伐龜茲焉耆平定西域舉萬年之觴薦勲祖廟布大喜於天下贊曰定遠慷慨專功西遐坦步葱雪咫尺龍沙獻帝紀中平六年十二月戊戌省扶風都尉置漢安

都護

以羌擾三輔故置都護命總統西方

漢督御史

高彪傳第五永為督軍御史

彪作箴

通典

晉志同

建武初

征伐四方權置督軍御史事竟罷建安中魏武始遣大

將軍督之而袁紹分沮授所統諸軍為三都督魏武征

孫權還

二十一年

又使夏侯惇都督二十六軍文帝黃初三

年始置都督諸州軍事或領刺史

曹真都督中外諸軍事假黃鉞太和四年

司馬懿加號大都督貞元二年文帝都督中外諸軍尋加大都督

漢傳建武八年張

宗以謁者督諸郡兵平青冀盜永初元年召龐參拜謁者使西督三輔諸軍屯順帝末以馮緄持節督揚州諸郡軍事建康元年拜滕撫中郎將督揚徐二州延熹四年冬皇甫規為中郎將持節監關西兵明年奏免督軍御史張稟九年張奐為護匈奴中郎將以九卿秩督幽并涼三州及度遼烏桓二營

晉大都督

列傳王導明帝假節都督諸軍石勒侵阜陵成帝詔加

導大司馬假黃鉞出討之軍次江寧帝親餞於郊

咸和元年

十一月

石季龍掠騎至歷陽導請出討之加大司馬假黃

鉞中外諸軍事置左右長史司馬

咸康元年四月癸卯

復轉中外

大都督

志江左以來都督中外尤重王導等權重者乃居之

陶侃都督八州

郗鑒都督揚州八郡

謝安都督揚豫徐兗青五州幽

州之燕國諸軍事假節苻堅次淮肥加安征討大都督

指授將帥各當其任既破堅以總統功拜太保求自北

征乃進都督十五州軍事加黃鉞置從事中郎二人

謝石以將軍假節征討大都督與兄子元琰破苻堅

謝元都督七州 殷浩都督五州 志都督諸軍為上

監諸軍次之督諸軍為下使持節為上持節次之假節
為下 吳陸遜假黃鉞為大都督吳主親執鞭以見
之

唐都護府

官志大都護府大都護一人從二品副大都護二人從
三品副都護二人正四品上都護掌統諸番撫尉征討

叙功罰過總判府事大都護親王遙領府之政以副大

都護主之兼王府長史 會要都護府有六單于安西

安北為大都護安南安東北庭為中都護開元四年正

月二十九日丙午郊一作王除安北大都護陝王除安西

大都護遙領自茲始十五年五月忠王為單于大都護

賴王安東延王安西開元元年十二月三十日勅都督

取候進止 通典唐永徽中始於邊方置安東安南安西安

北四大都護府攷之會要所後又加單于北庭都護府

府置大都護一人副一人副都護二人長史司馬各一人
六典注漢武開西域置使者校尉領護之宣帝始
置都護章帝廢西域都護今戊巳校尉領之云云

唐安東上都護府

又見兵捷類
李勣俘高麗

地理志

兼通鑑
會要

河北道安東上都護府總章元年九月

十四日李勣平高麗上命先以高藏等獻於昭陵具軍

容奏凱歌入京師獻於太廟十二月丁巳

七

日上受俘於

含元殿分高麗五部百七十六城六十九萬七千戶為

九都督府四十二州百縣置安東都護府於平壤以統之擢其酋帥有功者為都督刺史縣令與華官參理以右威衛大將軍薛仁貴檢校安東都護總兵二萬以鎮

撫之上元三年二月二十八日甲戌徙遼東郡故城儀

鳳二年二月二日丁巳又徙新城儀鳳二年高藏為遼東都督以安餘民

聖歷元年六月三十日更名安東都督府以高仇領都督唐休璟

薛訥為都護神龍元年二月四日復故名開元二年十二月

二十四日徙於平州許欽淡為之天寶二年又徙於遼西故

郡城至德後廢

志又云高麗降戶州十四府九隸安東都護府見下初太宗親征高麗得盖牟

城置盖州得遼東城置遼州得白崖城置白州

唐安南中都護府

志嶺南道安南中都護府本交趾郡武德五年曰交州

治交趾調露元年曰安南都護府

會要調露元年八月七日改交州都督府

為安南都護府武后大足元年四月二十六日置武安州南登州並隸是府 都護劉延祐副都護楊元琰

至德二載曰鎮南都護府大曆三年復為安南寶曆元

年徙治宋平

會要云寶曆元年五月都護李元喜奏移府於江北岸

會要貞元

七年五月

舊紀
辛未

置柔遠軍於安南都護府元和四年八

月破環王國三十萬餘人獲王子五十九人九月安南

副都護杜英策等奏安南羅城先是經略使伯儀築纜

高數尺元和初都護張舟

一作州

因農隙奏請新築今城

高二丈二尺造軍器四十餘萬於大廳左右起甲仗樓

四十間收貯又造艨艟船四百餘隻回旋如飛

又馬櫓
為都護

建銅柱著唐德
年賦市木作柵周

王式為都護取一
十二里寇不可冒

咸通六年十二月

都護高駢自海門進軍收復安南府自李琢失政交趾

陷沒十年至此方復故也

七年十一月置靜海軍於安南以駢為節度使築安南城

周三步

唐安西大都護府

四鎮

見州鎮類

崑陵濛池都

護府 焉耆都護府

志隴右道安西大都護府初治西州

貞觀十四年九月二十一日平高昌

於西州置安西都護府治交河城

顯慶二年

乙丑十二月

平賀魯析其地置

濛池崑陵二都護府分種落列置州縣西盡波斯國皆

隸安西又徙治高昌故地三年

五月癸未

徙治龜茲都督府

而故府復為西州

會要顯慶三年五月二日徙安西都護府於龜茲以舊安西復為西州都

督府鎮高昌地

咸亨元年

四月二十日

吐蕃陷都護府長壽二年

十一

日一月

收復安西四鎮

王孝傑復

至德元載更名鎮西後復為

安西吐蕃既侵河隴惟李元忠守北庭郭昕守安西與

沙陀回紇相依吐蕃攻之久不下

李泌曰安西北庭控制西域五十七國及

十姓突厥皆悍兵處以分吐蕃勢

建中二年

七月

元忠昕遣使間道入奏

詔各以為大都護並為節度

戊午朔

貞元三年

一作六年十二月

吐蕃攻沙陀回紇北庭安西無援遂陷突厥賀魯傳

顯慶二年十二月蘇定方平賀魯

初貞觀二十三年二月十一日置瑤州都

督以賀魯為都督至永徽二年正月二十五日叛

是月十七日

乙丑高宗裂其地

為州縣以處諸部以處木昆部為匭延都督府以突騎

施索葛莫賀部為嗚鹿都督府以突騎施阿利施部為

黎山都督府以胡祿屋闕啜部為鹽泊都督府以攝舍

提啜啜部為雙河都督府以鼠尼施處半部為鷹娑都

督府置崑陵濛池二都護府以統之

會要置二都護府在十一月十二日

其所役屬諸國皆置州西盡波斯並隸安西都護府以

阿史那彌射為興昔亡可汗兼驃騎大將軍

一本云左衛大將軍

崑陵都護五咄陸部阿史那步真為繼往絕可汗兼驃

騎大將軍

一本云左衛大將軍

濛池都護五弩失畢部各賜帛十

萬以光祿卿盧承持冊命之

紀顯慶四年三月壬午崑陵都護彌射及西突厥真

珠葉護戰于雙河敗之

麟德二年

高昌傳貞觀十

四年侯君集克高昌定三州五縣拔其地皆州縣之號

西昌州又改曰西州更置都護府歲調謫罪人以戍

會要

貞觀十四年平高昌於西州置安西都護府治交河城顯慶二年賀曾平移於高昌故地三年又移於龜茲國

龜茲傳貞觀十八年郭孝恪滅焉耆以其地為焉耆
都督府貞觀二十三年阿史那社爾滅龜茲太宗始徙
安西都護於其都統于闐碎葉疏勒號四鎮高宗時以
其地為龜茲都督府徙安西都護府於其國以故安西
為西州都督府儀鳳時吐蕃攻焉耆以西四鎮皆沒長
壽元年十月武威道總管王孝傑破吐蕃復四鎮地置
安西都護府於龜茲以兵三萬鎮守都護以政績稱華
狄者田揚名郭元振張孝嵩杜暹云 通鑑貞觀二十

三年二月丙戌

十一日

置瑤池都督府隸安西都護府戊

子以左衛將軍阿史那賀魯為瑤池都督

志永徽四年三月十三日

廢

七書太宗曰朕置瑤池都督以隸安西都護蕃漢

之兵如何處置靖曰云云

都護

郭孝恪王方翼

副都護

唐休璟高

仙芝封常清程千里郭虔瓘張孝嵩

劉沔節度振武開成三年築都護

府西北四壘

唐安北大都護府

內附

鐵勒十一部內屬十三部燕然都護府瀚海

都護府十部樂

豐州都督府瑞錦文袍

天成殿朱提瓶

志關內道安北大都護府本燕然都護府

貞觀二十一年四月丙寅

置燕然都護府以李素立為都護通鑑貞觀二十三年三月丙辰置豐州都督府隸燕然都護府李素立兼

都督龍朔三年

二月十五日

曰瀚海都護府總章二年

八月二十八日

甲戌更名開元二年

閏二月

治中受降城

王暉徙治

十年徙治豐

勝二州之境十二年徙治天德軍

會要貞觀四年三

月三日分頡利之地為六州左置定襄都督右置雲中

都督統降虜二十一年正月九日以鐵勒回紇等十三

部內附置六都督府七州各以其酋帥為都督刺史四

月十日丙寅置燕然都護府以揚州司馬李素立為都護

又姜協為之瀚海等六都督臯蘭等七州并隸焉龍朔三年

二月十五日改燕然都護府為瀚海移都護府於回紇

部落其舊瀚海府移置雲中古城改名雲中都護府總

章二年八月二十八日改瀚海都護府為安北都護府

開元八年六月二十日勅親王遙領都護者加副大都

護一人天寶四載十月安北都護府置陰山縣八載移

府於永清柵北築城改橫塞軍為天德軍九載三月二

十五日靈州都督張齊丘請於新築安北大都護府建

紀聖德碑許之會昌五年七月改單于都護為安北都

護回紇傳貞觀中突厥已亡惟回紇與薛延陀最雄

強其酋胡祿俟利發吐迷度與諸部攻薛延陀殘之遣

使者獻款太宗為幸靈州次涇陽受其功紀貞觀二十年八月於

是鐵勒十一部願歸命天子請置唐官有詔張飲高會

引見酋長以唐官官之凡數千人明年二十一年復入朝乃

以回紇部為瀚海多濫葛為燕然僕骨為金微拔野古

為幽陵同羅為龜林

會要作
龜林

思結為盧山皆號都督府

渾為臯蘭州斛薛為高闕州阿跌為雞田州契苾羽為

榆溪州奚結為雞鹿州

會要通鑑奚結
在阿跌之上

思結為蹕林州

白霄為寘顏州

通鑑貞觀二十一年
正月丙申會要九日

其西北結骨為堅

昆府

通鑑二十二年二
月戊午會要七日

北骨利幹為元闕州

通鑑二十
二年八月

辛未骨利幹入貢丙戌以為
元闕州拜其俟斤為刺史

東北俱羅勃為燭龍州

通鑑

二十二年二月己丑分瀚海都督俱
羅勃部置燭龍州

會要作九日
以首領為都督刺

史

會要載六府七州
無下一府二州

即故單于臺置燕然都護府統之

六都督七州皆隸屬

通鑑二十一年四月丙寅會要十日

以李素立為燕

然都護其都督刺史給元金魚符黃金為文天子方招

寵遠夷作絳黃瑞金文袍寶刀珍器賜之帝坐秘殿陳

十部樂

通鑑云及還上御天成殿宴設十部樂而遣之

殿前設高牀置朱提瓶

朱提請為殊時

其上潛泉浮酒自左閣注之瓶受百斛回紇數

千人飲畢尚不能半渠領共言生荒陋之地歸身聖化

天至尊賜官爵依唐若父母然請於回紇突厥部治大

涂號參天至尊道世為唐臣乃詔磧南鷓鴣泉之陽置

過郵六十八所具羣馬湏肉待使客歲納貂皮為賦乃

拜吐迷度為懷化大將軍瀚海都督龍朔中以燕然都

督府領回紇更號渤海都護府以磧為限大抵北諸蕃

悉隸之

廣德二年正月丁卯司徒郭子儀兼雲州大都督單于鎮北大都護

黠戛斯傳

古堅昆國匈奴西鄙也未始與中國通貞觀二十二年

二月聞鐵勒等已入臣其酋長俟利發入朝帝以其地為

堅昆府拜俟利發為都督隸燕然都督府大都護

王

都護

李光弼

單于副都護

郭子儀

瀚海都護司馬

王方翼

唐單于大都護府

雲中都護府又見安北都護府

狼山都督

府

見兵捷類

瀚海都護府

志關內道單于大都護府本雲中都護府龍朔二年置

麟德元年改名

突厥傳貞觀四年頡利亡其下或走

薛延陀或入西域降者尚十餘萬帝用溫彥博議度朔

方地自幽州屬靈州建順祐化長四州為都督府部頡

利故地左置定襄都督右置雲中都督二府統之

地理志皆

隸單于都護府

車鼻可汗傳永徽元年九月八日庚子高宗

遣右騎衛中郎將高侃伐車鼻可汗擒之獻於武德殿

以其衆處鬱督軍山建新黎州使領其衆

置狼山都督府以統之

於是突厥盡為封疆臣矣始置單于瀚海二都護府單

于領狼山雲中桑乾三都督蘇農等二十四州瀚海都

護府領瀚海金微新黎等七都督仙萼賀蘭等八州即

擢酋領為都督刺史龍朔三年二月改燕然為瀚海都

護府領回紇徙故瀚海都護府於古雲中城號雲中都

護府磧以北蕃州悉隸瀚海南隸雲中雲中者義成公

主所居也頡利滅李靖徙突厥羸破三百帳居之以阿
史德氏為之長衆稍盛麟德元年正月甲子即建言願
以諸王為可汗遙領之帝曰今可汗古單于也乃更雲

中府為單于大都護府以殷王為單于都護乾封元年

正月帝封禪都督葛邏祿叱利等三十餘人皆從至泰

山下已封詔勒名於封禪碑云凡三十年北方無戎馬

警已上兼
載月日會要麟德元年正月十六日甲子勅改單于

大都護府以殷王
遙領垂拱二年改為鎮守使聖歷元年五

月六日改為安北都護開元二年閏二月五日復置單

于都護府移安北都護於中受降城天寶四載十月單

于都護府置金河縣表開元九年置朔方節度領單

于大都護府六州二軍三受降城副都護

張知遇

長

史

蕭嗣業

唐北庭大都護府

志隴右道北庭大都護府本庭州貞觀十四年平高昌

以西突厥泥伏沙鉢羅葉護阿史那賀魯部落置尋廢

顯慶三年復置長安二年

十二月戊申

為北庭都護府

置於庭州

分紀開元初置北庭都護

郭虔瓘封常清為之

會要建中二

年七月

戊午朔

加伊西北庭節度使李元忠北庭大都護

以四鎮節度留後郭昕為安西大都護四鎮節度觀察

使詔曰二庭四鎮統任西夏五十七蕃十姓部落國朝

已來相奉率職自關隴失守東西阻絕忠義之徒泣血

相守皆侯伯守將交修共理之所致也其將士可超七

資初自兵興已來安西北庭為蕃虜所間隔節度使李

嗣業等皆遙領之云貞元六年十二月是歲吐蕃陷北

庭都護府

紀同

唐東夷都護府

饒樂都護府

松漠都督府

契丹內屬

奚傳東胡種居鮮卑故地去京師四千里貞觀三年始
來朝帝伐高麗大酋從戰有功後數年其長可度者內
附帝以為饒樂都督府拜可度為饒樂都督復置東夷
都護府於營州兼統松漠饒樂地置東夷校尉 契丹

傳貞觀中

二十二年

契苾酋長窟哥舉部內屬乃置松漠都

督府以窟哥為使持節十州諸軍事松漠都督 志奚

州九府一奉誠都督府本饒樂都督府唐初置後廢貞

觀二十二年以內屬奚可度者部落更置并以別帥五

部置弱水等五州開元二十三年更名領州五契丹州

十七府一松漠都督府貞觀二十二年以內屬契丹窟

哥置其別帥七部分置峭落等八州李盡忠叛後廢開

元二年復置領州八右初皆隸營州都督神龍二年隸

幽州都督 通鑑貞觀二十二年十一月庚子契丹帥窟哥奚帥可度者並帥所部內屬以契丹部為松漠府以窟哥為都督又以其別帥達稽等部為峭落等九州各以其屬紇主為刺史以奚部為饒樂府可度者為都督又以其別帥阿會等部為弱水等五州亦各以其屬紇主為刺史辛丑置東夷校尉官於營州 七書太宗曰近契丹奚皆內屬置松漠饒樂二都督統於安北都護朕用薛萬徹如何靖曰萬徹不如阿史那社爾及執

失思力契苾何力 列傳張儉遷營州都督兼護東夷

校尉後改校尉官為都護府即以儉為之 程名振兼

東夷都護 李大酺開元二年為饒樂都督 後李詩延寵為之

明年入朝始復營州都督府 五年三月庚戌餘見下 唐休璟以

夏官尚書檢校幽營都督安東都護

唐保寧都護府

志劔南道都護府一保寧天寶八載 六月以劔南之索磨

川置領牂柯吐蕃 通鑑閏六月乙丑

唐大都督

官志高祖起兵置左右領軍大都督各總三軍及定京師置左右元帥太原道行軍元帥西討元帥皆親王領之天寶末置天下兵馬元帥都統朔方河東河北平盧節度使招討都統之名始於此大曆八年罷天下兵馬元帥建中四年置諸軍行營兵馬都元帥興元元年置副都統會昌中置靈夏六道元帥

唐都督府 總管 按察 採訪 觀察諸使

官志大都督府都督一人從二品

中都督府正三品
下都督府從三品掌

督諸州兵馬甲械城隍鎮戍糧廩總判府事武德初邊

要之地置總管以統軍加號使持節

元年六月
七日也

蓋漢刺

史之任有行臺有大行臺其員有尚書省令一人掌管

兵民總判省事有僕射一人掌貳令事自左右丞以下

諸司郎中畧如京省七年

二月十二
日戊午

改總管曰都督總

十州者為大都督貞觀二年去大字凡都督府有刺史

以下如故然大都督又兼刺史而不檢校州事其後都

督加使持節則為將諸將亦通以都督稱惟朔方猶稱
大總管邊州別置經畧使沃衍有屯田之州則置營田
使武后聖歷九年以夏州都督領鹽州防禦使及祿山
反諸郡當賊衝者皆置防禦守捉使乾元元年置團練
守捉使都團練守捉使大者領州十餘小者二三州代
宗廢防禦使惟山南西道如故楊綰為相罷團練守捉

使惟澧朗峽興鳳如故

會要武德元年因隋舊制為大總管七年二月十八日改大總

管曰大都督貞觀三年八月李靖除定襄道行軍大總管已後行軍即稱總管本道即稱都督景雲二年四月

賀拔延嗣除涼州都督充河西節度始有節度之號開元元年十月六日勅朔方行軍大總管準諸道例改為朔方節度使其年著令戶滿二萬已上為中都督府不滿為下五代會要長興三年四月中書奏天下舊有

八大都督府按十道圖以靈州為首陝幽揚潞魏鎮徐等州為次武德總管洛淮陽王道元荆趙郡王孝恭

貞觀都督并李弘節蓋實軌龍朔二年觀察處置使掌察年十二月十六日并益荆為大都督

所部善惡舉大綱凡奏請皆屬於州貞觀初八年正月遣

大使十三人巡省天下諸州水旱則遣使有巡察安撫

存撫之名神龍二年二月以五品以上二十人為十道巡

察使按舉州縣再周而代景雲二年六月二十置都督八日壬午

二十四人察刺史以下善惡置司舉從事二人秩比侍

御史揚益并荆四州為大都督汴兗魏冀蒲綿秦洪潤

越十州為中都督皆正三品齊廊涇襄安潭遂通梁夔

十州為下都督從三品當時以為權重難制罷之惟四

大都督府如故置十道按察使七月置道各一人開元元

年九月丙戌罷按察使二年曰十道按察採訪處置使閏二月

卯復置以陸象先等為之至四年閏十二月辛酉罷八年五月辛酉復置十道按

察使秋冬巡視州縣八月以王暉等為之十年又罷通鑑十二年

十七年五月復置十道京都兩畿按察使二十年改曰

採訪處置使分十五道天寶末又兼黜陟使乾元元年

五月改曰觀察處置使通典觀察并領都團練使分天

漢代刺史秩卑任重大都督皆親王遙領大都督府之政

以長史主之長史從三品貞觀二年正月越王泰除

王遙領之始通監開元二年正月壬申制選京官有

才識者除都督刺史都督刺史有政迹者除京官使出

入常均永為常式舊制凡地理志關內道府十原

命都督刺史皆臨軒冊命

慶延靈鹽夏宥麟勝豐河南道府二陝充河東道府四

代雲朔潞河北道府四魏鎮幽營山南道府二夔利隴
右道府七秦鄠臨涼沙瓜西淮南道府三揚壽安江南
道府四越福洪潭黔中道府二黔辰劔南道府九雋雅
黎茂戎松遂昌瀘嶺南道府七廣瓊邕桂容峯驩通
典武德五年以洛荆并幽交五州為大總管府七年改
大總管府為大都督府復有行軍大總管征伐則置於
所征之道以督軍事 六典注魏黃初二年始置都督
諸州軍事或領鎮戎總夷校尉至隋改為總管府武德

四年改為都督府貞觀中改為上中下都督府

都督一人長史

一人司馬二人

唐南寧州都督

地理志劔南道諸蠻州九十二南寧州漢夜郎地武德元年開南中置四年置總管府五年僑治益州六年更名郎州貞觀元年罷都督開元五年復故名天寶廢糜州本西豫州武德七年置貞觀三年更名初為都督府後罷隸戎州都督府 西爨傳貞觀二十三年徙莫祗

儉望蠻內屬以其地為五州隸郎州都督府永徽初趙
孝祖定南夷罷郎州更置戎州都督以爨歸王為南寧
州都督 韋仁壽傳高祖聞其治理詔檢校南寧州都
督歲一按行慰勞寄治越雋仁壽將兵五百循西洱河
開地數千里置七州十五縣酋豪賓見授以牧宰威令

簡嚴

請徙治南寧州

德宗貞元七年始以驩峯二州為都督

府

驩在安南限重海與文單占婆接峯統羈縻州十八與蜀爨蠻接

唐姚州都督府

地理志劔南道武德四年以古滇王國民多姚姓因置

姚州都督并置州十三

于異五陵袖和往舍利范鄧野共洪即日南眉鄧還備洛諾州

隸姚州都督府

會要麟德元年五月八日乙卯於昆明之弄棟

川置姚州都督府每年募五百人鎮守姚府總管五十

七州

裴懷古為都督

故事歲以兵五百戍姚州神功二年閏十

月蜀州刺史張柬之請罷姚州云古哀牢之舊國光武

季年始請內屬置永昌郡以統理之龍朔中武陵主簿

石子仁奏置州後廢即諸葛亮稱置官留兵有三不易

之言遂驗垂拱四年南蠻郎將王善寶又請置州延載
中司馬成琛請於瀘南置鎮七所遣蜀兵防守乞省姚
州隸舊府於瀘北置關奏寢又本傳

唐龜林都督府 雞林大都督府

回紇傳貞觀二年同羅遣使者入朝請內屬置龜林都
督府拜酋俟發時捷啜為都督志關內道隸安北都護詳見上 新

羅傳龍朔元年王金春秋卒以其子法敏襲王九月癸巳朔

以其國為雞林州大都督府授法敏都督

唐黔州都督府

傳東謝蠻居黔州西貞觀三年其酋元深入朝顏師古

上言寫為王會圖帝以其地為應州

置縣

即拜元深為

刺史屬黔州都督府

詳見王會圖國珍有方畧授黔中

天寶中以牂牁趙都督護五溪

十餘年

志江南道應州貞觀三年以東謝蠻首領謝元

深地置縣五莊州貞觀三年以南謝蠻首領謝彊地置

南壽州四年更名十一年為都督府景龍二年罷都督

隸黔州都督府

唐松州都督府 党項十五都督府

志關內道党項州五十一府十五

蘭池芳池相興永平
旭定清寧忠順寧保

靜塞萬吉樂容州靜邊州都督府隸靈州都督府
芳池州宜定州安化州都督府隸慶州都督府 貞觀

三年酋長細封步賴內附後諸姓酋長相率內附列其

地置州縣隸松州都督府五年又開其地置州十六縣

四十七又以拓拔赤詞部置州三十二乾封二年以吐

蕃入寇廢十二州咸亨二年又廢二州隴右道党項州

七十三府一縣一軌州都督府貞觀二年以細封步賴

部置隸松州都督府 傳上元二年郭子儀表徙靜邊

州都督夏州樂容等六府党項於銀州北

竇靜為夏州都督

唐定襄雲中都督府

通鑑貞觀四年四月戊戌上御順天樓引見頡利詔羣

臣議區處之宜顏師古李百藥溫彥博魏徵等所言各

異上用彥博策處突厥降衆東自幽州西至靈州分突

利故所統之地置順祐北

志作北

長四州都督府分頡利

之地為六州左置定襄都督府右置雲中都督府以統

其衆五月卒未以突利為順州都督壬申以阿史那思

摩為懷化郡王上嘉思摩忠以為開州都督統舊衆十

四年三月丙辰置寧朔大使以護突厥實靜傳詔曰以

朕無北顧憂矣二十三年十月高宗置舍利等五州隸雲中都

督府蘇農等六州隸定襄都督府志關內道突厥州十

九府五定襄都督府貞觀四年析頡利部為領州四貞

二十三年十月分諸部置州三隸夏州都督雲中都督府貞觀四年析

領州五月置州三桑乾都督府龍朔三年分

方境朔次定四車全書玉海三十四

朔方領州四貞觀二十三年呼延都督府貞觀二十年置領州三

二十三年隸單于都督府新黎州貞觀二十三年以車鼻之子羯漫陀部置

初為都督府後為州永徽元年以歌邏祿置

隸雲中都護顯慶三年為州來屬貞觀二十二年以隸安

北都護府河北道突厥州二順州順義郡貞觀四年平突厥以其部

落置順祐化長四州都督府於幽靈之境又置北開北

寧北撫北安等四州都督府六年順州僑治營州南之

五柳戍又分思農部置燕然縣僑治陽曲分思結部置

州亦廢而順州瑞州本威州貞觀十年置咸亨中初隸

僑治幽州城中更名後僑治良鄉之廣陽城

營州都督府神龍初隸幽州都督府隴右道突厥州三府二十七云云

唐靜邊州都督府

志關內道靜邊州都督府貞觀中置初在隴右後僑治慶州之境領州二十二隸靈州都督府

唐龜茲都督府 左屯衛大將軍平龜茲

志隴右道龜茲都督府貞觀二十年平龜茲置領州九隸安西都護府 通鑑顯慶三年龜茲大將羯獵顛遣

使降於西突厥沙鉢羅可汗布失畢據城自守詔左屯
衛大將軍楊胄討之大破之禽羯獵顛乃以其地為龜
茲都督府正月戊申立布失畢之子素稽為龜茲王兼

都督

詳見州
鎮類

唐靈州都督府

會要貞觀二十年二月四日西蕃沙鉢羅葉護率衆歸
附以阿史德時健俟斤部落置皋蘭祁連二州隸靈州
都督府永徽元年廢調露元年又置魯麗塞舍依契六

州時人謂之六州胡長安四年合為正長二州神龍三年置蘭

池都督府分為六縣開元十年復分為魯麗契塞四州

九月禽康願子移河曲六州胡於許汝等州十八年又

置長正二州開元元年以九姓部落置臯蘭燕然燕山

雞田雞鹿燭龍等六州屬靈州至德元年七月靈武郡

改為靈武大都督府正元九年十二月杜希全獻體要

八章

唐燕然都督府

回紇傳薛延陀之滅多濫葛首多濫葛末與回紇皆來

朝以為燕然都督府

貞觀二十一年正月丙申置

授右衛大將軍即

為都督死以多濫葛塞副為俟利發繼為都督

詳見上

志燕然州以多濫葛部地置初為都督府隸燕然都護

開元元年來屬僑治回樂達渾都督府以延陀部落置

僑治寧朔

唐皋蘭都督府

回紇傳渾在回鶻諸部最南者太宗時薛延陀滅大俟

利發渾汪舉部內向以其地為臯蘭都督府後分東西
渾瑊即汪之後也 志東臯蘭州初以渾部地為都督
府并以延陀餘衆置祁連州後罷都督又分東西州永
徽三年皆廢

唐回紇九都督府

志關內道回紇州十八府九貞觀二十一年分回紇諸

部置達渾都督府

以延陀部
置領州五

安化州都督府寧朔州都

督府僕固州都督府

三府僑
治朔方

隸夏州都督府瀚海都督

府

以回紇部置

金微都督府

以僕固部置

幽陵都督府

以拔野古部置

龜

林都督府

貞觀二年以同羅部置

堅昆都督府

以結骨部置又云貞觀二十二年

以沙鉢羅葉護部置

隸安北都護府

已上共九都督府

回紇傳貞觀二

十一年拔曳固大俟利發屈利失舉部內屬置幽陵都

督府拜屈利失為都督

拔曳固名拔野古

通鑑貞觀二十二

年結骨古未通中國聞鐵勒諸部皆服二月其俟利發

失鉢屈阿棧入朝上宴之於天成殿謂侍臣曰昔渭橋

斬三突厥自謂功多今斯人在席更不以為怪邪失鉢

屈阿棧請除一官執笏而歸誠百世之幸戊午_{日七}以結

骨為堅昆都督府以失鉢屈阿棧為右屯衛大將軍堅

昆都督隸燕然都護又以阿史德時健俟斤部落置析

連州隸靈州都督是時四夷君長爭遣使獻見每元正

朝賀常數百千人辛酉上引見諸胡使者謂侍臣曰今

綏之以德窮髮盡為編戶神龍元年置蘭池都督府至德元年七月靈武郡改名

靈武大
都督府

唐豐州都督府又見上

通鑑貞觀二十三年三月丙辰置豐州都督府使燕然
都護李素立兼都督

唐賀魯八都督府

又見安西都護

志

兼會要

隴右道貞觀二十三年二月十一日

丙戌

以阿史

那賀魯部置瑤池都督府永徽四年三月十三日廢顯

慶二年十一月擒賀魯十一日分其地置濠池崑陵二

都護府十七日分其種落置都督府八

下文惟見六都督府當考傳

惟有五
五 副延都督府以處木昆部置嗚鹿州都督府以突

騎施索葛莫賀部置潔山都督府以突騎施阿利施部

置鹽泊州都督府以胡祿屋闕部置雙河都督府以攝

舍提瞰部置鷹婆都督府以鼠尼施處半部置其役屬

諸胡皆為州並隸北庭都護府

一云顯慶三年十一月甲子獻賀魯于昭陵分

其種落為六都督府
勅隸安西都護府

沙陀傳永徽初以賀魯所領授

沙陀那速後三年廢瑤池都督府即處月地置金滿沙

陀二州皆領都督

永徽五年閏四月丙午以處月部置金滿州隸輪臺龍朔二年為都督府

處月來歸乃置崑陵都護府統吐祿部長安二年進其

酋金山為金滿州都督開元二年輔國領之天寶初以
骨咄支兼回紇副都護 彌射傳咸亨二年以西突厥
部酋都支兼匭延都護長安中以阿史那獻龔興昔亡
可汗安撫招慰十姓大使北庭大都護四年懷道兼濛
池都護開元五年授蘇祿突騎施都督為金方道經畧
大使 闕三字 聖曆三年嗚鹿州都督烏質勒衆漸盛
移牙於碎葉則天授以瑤池都督

唐賀蘭都督府

太宗貞觀六年契苾何力尚紐率其部來歸詔處之甘涼間以其地為榆溪州永徽四年以其部為賀蘭都督府隸燕然都護

唐康居都督府

傳康國者元魏所謂悉萬斤者隋時其王屈木支娶西突厥女遂臣突厥武德十年始遣使來獻貞觀五年遂請臣太宗曰朕惡取虛名害百姓且康居臣我緩急當同其憂師行萬里寧朕志邪卻不受俄又遣使來獻師

子帝珍其遠命祕書監虞世南作賦自是歲入貢致金

桃銀桃詔令植苑中高宗永徽時以其地為康居都督

府即授其王拂呼纒為都督

會要顯慶三年遣果毅董寄生列其所居城為康居

都督府

唐陰山大漠元池三都督府

志隴右道顯慶三年分葛邏祿部置三府以謀落部置

陰山州都督府以葛邏祿熾俟部置大漠州都督府以

葛邏祿踏實部置元池州都督府

金附州都督府
析大漠州置

回

紇傳葛邏祿亦突厥諸族在北廷西北金山之西有三

族一謀落二熾俟三踏實力永徽初三族皆內屬顯慶

二年以謀落部為陰山都督府熾俟部為大漠都督府

踏實力部為元池都督府

志初元池咽麴為州隸燕然長安二年為都督府隸北庭

通鑑顯慶二年春正月癸巳

十四日

分哥羅祿

又作葛邏祿

三部置陰山大漠二都督府

唐河西二都督府

志河西內屬諸胡州十二烏壘州至乞乍州府二媯塞

都督府渠黎都督府

唐百濟五都督府

通鑑顯慶五年八月蘇定方平百濟百濟故有五部分

統三十七郡二百城七十六萬戶詔以其地置熊津馬

韓東明金連德安五都督府并置帶方州

隸安東都護府麟德後

廢以其酋長為都督刺史

傳云左衛中郎將王文度為熊津都督總章元年劉仁

軌為熊津道安撫大使儀鳳元年二月甲戌徙熊津都督府於建安故城

唐西域十六國都督府

志隴右道西域府十六州七十二龍朔元年六月以隴

癸未

州南田令王名遠為吐火羅道置州縣使自于闐以西

波斯以東凡十六國以其王都為都督府屬部為州縣

凡州八十八縣百一十軍府百二十六月氏領州二大

十五

汗領州十五條支領州九天馬領州二高附領州二修鮮領州十寫鳳

四領州悅般領州一竒沙領州二姑墨領州一旅葵崑墟至拔烏

飛領州一王庭波斯右隸安西都護府 通鑑龍朔元年

六月癸未以吐火羅噉訶達羅支解蘇骨咄施罽賓

帆延石汗那護時捷怛沒烏拉喝多勒建俱蜜護蜜多

久越得捷波斯十六國置都督府八州七十六

餘同志會要

云州八十又見後西域圖

上元二年正月丙寅以于闐國為毗沙

都督府分十州開元十五年張守珪為瓜州刺史築故城朝廷嘉其功以瓜州為都督府以守珪為都督

唐高麗九都督府

志河北道高宗滅高麗置都督府九州四十二

一百縣會要

總章元年十月七日分後所存州止十四府九新城遼城哥勿衛

樂舍利居素越喜去旦建安州都督府

高麗舊有五部一百七十六城

六十九萬七千戶 權首渠 為都督刺史與華人參理

隸安東都護府

唐毗沙都督府

詳見四鎮

志隴右道毗沙都督府本于闐國貞觀二十二年内附

初置州五高宗上元二年置府分州為十 通鑑上元

二年正月丙寅以于闐國為毗沙都督府分其境内為

十州

顯慶三年以渴塞城為休循州都督授阿了參刺史

吐谷渾傳咸亨三年

二月八日諾曷鉢自鄯州徙靈州帝為置安樂州拜刺史貞

元十四年以慕容復為安樂都督青海王

唐營州都督

詳見上東夷都護

會要萬歲通天元年云云其後營州都督寄置於幽州漁陽城開元五年三月奚契丹款附上欲復營府於舊城宋璟以為不可獨宋慶禮盛陳其利詔慶禮與姜師度更柳城築營州城三旬而畢拜慶禮營州都督開屯田八十餘所

唐黑水州都督府

志河北道黑水州都督府開元十四年置隸幽州都督府
李獻誠領黑水經畧使

唐陰山府都督

又見下

通鑑元和三年五月沙陀酋長朱邪盡忠與其子執宜背吐蕃自歸帥部落三萬自甘州循烏得建山而東為吐蕃所追戰死子執宜執其餘衆猶近萬人騎三千詣靈州降靈鹽節度范希朝自率衆迎於塞上置之鹽州為市牛羊廣其蕃牧詔置陰山府以執宜為兵馬使未

幾盡忠弟葛勒阿波又率衆七百詣希朝降詔以為陰

山府都督自是靈鹽每月征討用之所向皆捷靈鹽兵

益強蓋以沙陀勁勇冠諸胡也

王鐸節度太原請析其族隸諸州遂建十府以

處沙陀

傅太和中柳公綽奏陞北沙陀素為九姓六州

所畏請委執宜治雲中塞下廢府十一料部人三千禦

北邊號代北行營授執宜陰山府都督代北行營招撫

使隸河東節度

開元三年大漠都督特進朱斯陰

山都督畝雞元池都督胡鼻率衆內附詔處其衆於

金山

開寶安南都護

交趾本南越之地漢置交趾刺史唐交州總管調露中
改安南都護皇朝乾德初其部內亂有攝驩州刺史丁
部領與其子璉率衆討平之部民共立部領為交州帥
凡三年私命璉為節度使開寶六年五月己巳璉遣使
貢方物制以璉特進檢校太師充靜海軍節度管内觀
察處置等使安南都護兼御史大夫上柱國封濟陰郡

開國公仍賜推誠順化功臣至八年八月丙午又制授部領太師上柱國封交趾郡王朝廷以璉再修職貢特崇寵其父也興國初丁璉死為黎桓所篡子黎龍延景德四年七月辛巳制授交趾郡王賜名至忠祥符間天書降亦例加恩二年至忠卒為李公蘊所篡授公蘊都護郡王公蘊傳子德政寶元元年進南平王孫曰尊曾孫乾德陽煥後有天祚龍翰吳岳襲封

交趾初封交趾郡王久之進南

平王死則進侍中南越王淳熙元年二月李天祚自南平王特封安南國王四年丁酉三月二十四日授龍翰

安南王制云即樂國以摩封既從世襲極
真王而錫命何待次升蓋言不封郡王也
今安南國王乃

陳日暎效忠順化功臣靜海節度
象郡 浪泊 龍編 南交 銅柱 焉江

真臘大同軍節度雲州刺史 闍婆懷遠節度琳州刺

史訶陵大理雲南節度政和七年其王段和譽 占城同闍婆封

林邑 環王 古越裳之界 銅柱

紹興都督府 督視軍馬

紹興二年四月二十七日戊子呂頤浩以左僕射都督

江淮荆浙諸軍事置司鎮江以都督府為名 九月命孟庾以參政兼

權同都督

十二月二十八日除同都督

四年八月十一日趙鼎自知

密院為都督川陝荆襄諸軍事五年二月十二日丙戌

鼎與張浚並相兼都督諸路軍馬

十四日詔都督府以諸路軍事為名

二

十六日詔臨遣相臣按行師壘有或難從於中覆即宜

專制於事幾六年七月十七日詔浚暫赴行在奏事三

十一年十一月十九日知樞密院葉義問為督視江淮

荆襄軍馬

中書舍人虞允文參謀軍事朝議以非相臣故其名下都督一等蓋不考趙鼎故事也

三十二年五月十三日義問結局遷三官孝宗即位七

月九日詔汪澈以參政督視湖北京西軍馬隆興元年
正月庚子張浚以樞使都督江淮二年九月二十一日
癸卯湯思退以左僕射都督二十三日命太傅楊存中
同都督十一月七日參政王之望同都督之望辭思退
解職九日以存中為都督非宰相而都督自存中始乾道元年二月
結局 考葛亮總統之稱用謝安督軍之號

中興都統制 又見兵制

諸軍都統制古無其官宣和間西南用兵大將不相統

一即其中拔一人為都統制以總之建炎元年五月既置御營司遂擢王淵為都統制名官自此始其後劉光世為之其下分為五軍紹興初御營司罷有旨諸大將之軍稱神武五軍諸小校兵少者謂之神武副軍並隸樞密院俄又改為行營五護軍韓世忠稱左軍劉光世稱右軍張浚稱中軍王玠稱前軍巨師古稱後軍其後右護軍叛於是吳玠軍始以右護軍為號四年吳璘為右軍都統制又以楊政為宣撫司都統制屯興元郭浩

為樞密院都統制屯金州十一年諸將罷兵四月乙未

乃收其所部為御前諸軍而統制皆以屯駐州名冠軍

額之上獨川陝如故十八年五月甲申罷四川宣撫司

楊政改御前都統制

紹興十二年壬戌歲以金陵選鋒一軍移於池州始有御前都統制

之號自王進始

十九年漢沔亦改為御前諸軍

璘稱利州西路政稱利州東路

三十一年王彥昭始除金房開達州都統制乾道五年

十月令蜀三都統隨馬劄

逐係銜

副都統

紹興七年始置後省乾道三年五月除

員琦為荆南副都統

江上始有京口秣陵武昌三大軍紹興末

楊存中請置江池二軍劉琦請置荆渚一軍嘉定初安

丙奏分興州十軍為沔利二軍沔州除都統制利州除

副都統制自是天下有十都統矣荆鄂一軍而正帥任鄂副帥在襄沔熙新

告也 又有平江許浦水道中改隸殿前司五年冬改為御前水軍八年春併歸

許浦置副都統制統之淳熙四年冬以七千人為額又乾道六年分立前中後三軍於許浦建寨萬間四月

二十四日水軍統制馮湛謂以平江府許浦駐劄為稱詔可 鎮江軍韓世忠部曲

也建康大軍張浚部曲也鄂州軍岳飛部曲也惟荆南

江池皆紹興末新創荆南則劉錡所招效用而頗以鄂

軍益之江池軍則三衙之疲弱而江州一軍又雜以江西茶盜東南惟以潤昇鄂三軍為根本興州興元府金州三司兵本曲端吳玠關師古之徙關西部曲也

三大將之

兵惟興元偏重

乾道三年閏七月一日上諭宰執曰朕欲江

上諸軍各置副都統兼領軍事豈惟儲他時統帥亦使主帥不敢專擅於是郭剛為鎮江副都統制張榮為建康副都統制以贊主帥議軍事

次將亞旅副戎二矛重弓

魏何昌曰先王制法建官授任則置副佐陳師命將則

立監貳宣命遣使則設介副當難則權足相濟員缺則才足相代韓信伐趙張耳為貳馬援討越劉隆副軍

李德裕詔吳漢征蜀劉尚副軍李勣取平壤參以道宗李靖襲陰山副之公謹唐志天寶末置都統興元元年置副都統黃巢之難置諸道行營都統

玉海卷一百三十三

欽定四庫全書

子部
玉海卷一百三十四

詳校官中書臣張經田

主事臣祁韻士覆勘

總校官進士臣朱鈺

校對官助教臣卜維吉

謄錄監生臣朱坤

欽定四庫全書

玉海卷一百三十四

宋 王應麟 撰

官制

人物

素宏曰百姓不能自牧故立君以治之明君不能獨
治則為臣以佐之宗匠陶鈞而羣才緝熙元首經略
而股肱肆力

黃帝三公 又見官制

七輔

帝王世紀黃帝以風后配上台天老配中台五聖配下

台謂之三公其餘知天規紀地典力牧常先封胡孔甲

等或以為師或以為將

張衡傳師天老而友地典注引云云漢藝文志兵陰陽有地典

六篇 晉志黃帝置三公之秩以親黎元少昊配九扈之

名以為農正 史記注鄭玄曰風后黃帝三公也 論

語擿輔象黃帝七輔風后天老五聖知命窺紀地典力

牧

堯九職

說苑君道篇當堯之時舜為司徒契為司馬禹為司空
后稷為田疇夔為樂正倕為工師伯夷為秩宗皋陶為
大理益掌馭禽堯知九職之事使九子者各受其事皆
勝其任以成九功

堯舜八師 堯九佐 舜七友七佐 湯三輔
湯二臣 周五佐五臣

楚辭東方朔七諫雖有八師而不可為王逸注八師謂

禹稷高臯陶伯夷垂益夔也言堯舜有聖賢之臣八人
以為師傅 戰國策顏觸曰堯有九佐舜有七友禹有

五丞湯有三輔注舜七友

一作雄陶

方回續牙

古今人表作身

柏陽東不訾秦不虛靈甫也

見陶潛聖賢羣輔錄尸子止載六人古今人表止

五人皇甫士安逸士傳載七子

淮南子道應訓堯之佐九人舜之佐

七人武王之佐五人注堯九佐謂禹臯稷契夷倭益夔
龍也舜七佐與堯同武王五佐謂太公周召畢毛也

孔叢子孔子曰聞諸老聃昔者號叔閔天太顛散宜生

南宮适五臣同察比德以贊文武 古今人表義伯中
伯注師古曰湯之二臣

舜四士 五臣 三后 唐虞九賢 周三后

管子法法篇舜有天下禹為司空契為司徒皋陶為李
后稷為田此四士者精一德以事君 論語舜有臣五
人而天下治注孔曰禹稷契皋陶伯益 晉書江統上

書虞舜以五臣興周文以四友隆 書呂刑乃命三后
恤功于民伯夷降典折民惟刑禹平水土主名山川稷

降播種農殖嘉穀三后成功惟殷于民畢命惟周公克
慎厥始惟君陳克和厥中惟公克成厥終三后協心同
底于道 新序唐虞崇舉九賢布之於位而海內大康
吳志步騭上疏舜命九賢

禹七佐 湯七佐 四佐 七大夫

鬻子禹政第六禹得臯陶杜子業得既子黜得季子甯
得然子堪子玉得七大夫以佐其身而天下治湯政第
七湯得慶誦伊尹涅里且東門虛南門蠕西門疵北門

側得七大夫佐以治天下而天下治 說苑君道篇湯
問伊尹曰三公九卿二十七大夫八十一元士知之有
道乎對曰昔者堯見人而知舜任人然後知禹以成功
舉之明君在上設四佐以自輔有英俊以治官 管子
堯之五更五官立五屬之祭祭堯之五吏

禹五佐

呂氏春秋得陶化並真窺橫革之交五人佐禹故功績
銘于金石著於盤盂 荀子成相篇禹敷土平天下云

云得並臯陶橫革直成為輔

臯陶九德

書臯陶謨臯陶曰亦行有九德寬而栗柔而立愿而恭
亂而敬擾而毅直而溫簡而廉剛而塞彊而義彰厥有
常吉哉日宣三德夙夜浚明有家日嚴祇敬六德亮采
有邦翕受敷施九德咸事俊乂在官百僚師師注三德
六德九德之中有其三有其六也 立政周公曰有夏
迪知忱恂于九德之行成湯乃用三有宅克即宅曰三

有俊克即俊嚴惟丕式克用三宅三俊文王武王克知
三有宅心灼見三有俊心注湯能用剛柔正直三德之
俊

湯左右相

孟子注春秋傳曰仲虺居薛為湯左相是則伊尹為右
相故二人等德也

案朱湯賢臣一
曰仲虺是也

殷六臣

書君奭公曰我聞在昔成湯既受命時則有若伊尹格

于皇天在太甲時則有若保衡

即伊尹

在大戊時則有若

伊陟臣扈格于上帝巫咸又王家在祖乙時則有若巫賢在武丁時則有若甘盤注伊尹至甘盤六臣佐其君循惟此道以安治有殷

文王五臣

書君奭惟文王尚克修和我有夏亦惟有若號叔有若闕天有若散宜生有若泰顛有若南宮适注五臣佐文王為胥附奔走先後禦侮之任

文王四臣 四友 夫子四友

尚書大傳文王以閔天太公望南宮适散宜生為四友
夫子曰文王得四臣吾亦得四友自吾得回門人並親
是非疏附耶自吾得賜遠方之士日至是非奔走耶吾
得師也前有光後有輝是非先後耶吾得由也惡言不

至於門是非禦侮耶

又見孔叢子

文選注周書孔子曰文

王得四臣

詩絲正義君奭注云詩傳說有疏附奔走先後禦侮之人而曰四臣周書維人四佐注

胥附禦侮奔走先後

左傳昭二年季武子賦絲之卒章注義取

文王有四臣

釋文謂太顛閎夭散宜生南宮适

以韓子比四輔

釋文謂先後奔

走疏附

禦侮

孟子注太公望呂尚也散宜生文王四臣之

一也呂尚有勇謀而為將散宜生有文德而為相 晉

江統傳虞舜以五臣興周文以四友隆

武王十臣

書泰誓中予有亂臣十人同心同德 論語武王曰予

有亂臣十人孔子曰有婦人焉九人而已注馬曰亂治

也治官者十人謂周公旦召公奭太公望畢公榮公太

顛閔天散宜生南宮适其一人謂文母

書注同 劉敞以為子無臣母

之義蓋邑姜也九臣治外邑姜治內

武王五佐

呂氏春秋武王之佐五人

文選五臣茲六注引之

注五人周公旦

召公奭太公望畢公高蘇公忿生也

周八虞 八士

晉語文王詢於八虞注即周有八士皆在虞官

唐國賈逵云

論語周有八士鄭玄以為周公相成王時生

賈逵以為文王

時劉向馬融
以為宣王時

周書武寤解尹氏八士太師三公咸作
有績和寤解王乃厲翼于尹氏八士注武王賢臣 古
今人表八士在中上等

周三士

荀子堯問篇周公謂伯禽之傅曰吾所執贄而見者十
人還贄而相見者三十人貌執之士百有餘人欲言而
請畢事者千有餘人於是吾僅得三士焉以正吾身而
定天下吾所以得三士者亡於十人與三十人中乃在

百人與千人之中

明接士不廢
無由得賢也

魯八儒

韓非子顯學第五十自孔子之死也有子張之儒有子

思之儒有顏氏之儒有孟氏之儒有漆雕氏之儒有仲

良氏之儒有公孫氏之儒

一無
公字

有樂正氏之儒自墨子

之死也有相里氏之墨有相夫氏之墨有鄧陵氏之墨

故孔墨之後儒分為八墨離為三

陶潛羣輔錄魯八儒
夫子沒後散於天下

設於中國成百氏之源為綱紀之儒居環堵之室藁門
圭竇甕牖繩樞併日而食以道自居者有道之儒子思

氏之所行也衣冠中動作順大讓如慢小讓如偽者子
張氏之所行也顏氏傳詩為道為諷諫之儒孟氏傳書
為道為疎通致遠之儒漆雕氏傳禮為道為恭儉莊敬
之儒仲梁氏傳樂為道以和陰陽為移風易俗之儒樂
正氏傳春秋為道為屬辭比事之儒
公孫氏傳易為道為潔淨精微之儒

鄭七穆

左傳鄭七穆罕駟國良游豐印

穆公十一子子然二子
孔三族已亡子羽不為

御故唯
言七穆

魏三士

新序白圭曰魏文侯師子夏友田子方敬段干木名號

顯榮者三士翊之也

齊四臣

史記齊威王與魏惠王會田於郊魏王曰齊國亦有寶乎齊王曰無有寡人國雖小尚有徑寸之珠照車前後各十二乘豈以齊大國而無寶乎齊威王曰吾臣有檀子者使守南城則楚人不敢寇東取泗上十二諸侯皆來朝吾臣有盼子者使守高唐則趙人不敢東漁於河吾吏有黔夫者使守徐州則燕人祭北門趙人祭西門

徙而從者七千餘家吾臣有種首者使備盜賊則道不
拾遺此四臣者將照千里豈特十二乘哉惠王有慚色

陶淵明集聖賢羣輔錄以為齊威王獵場四臣漢
應奉上疏梁惠王偉其照乘之珠齊威王答以四臣

漢三傑

高紀五年夏五月置酒雒陽南宮上曰夫運籌帷幄之
中決勝千里之外吾不如子房鎮國家撫百姓給餉餽
不絕糧道吾不如蕭何連百萬之衆戰必勝攻必取吾
不如韓信此三者皆人傑也吾能用之 新書曰漢祖

驂三龍而乘雲路振長策而驅天下

漢四皓

漢書漢興有園公綺里季夏黃公角里先生此四人者當秦之世避而入商雒深山高祖聞而召之不至呂后用留侯計使皇太子卑辭東帛致禮安車迎而致之注師古曰四皓稱號本起於此

漢三儒

循吏傳序文景時循吏如河南守吳公蜀守文翁之屬

皆謹身帥先居以廉平孝武之世唯江都相董仲舒內
史公孫弘兒寬居官可紀三人皆儒者通於世務明習
文法以經術潤飾吏事天子器之弘寬至三公

漢七相五公

班固傳西都賦南望杜霸北眺五陵冠蓋如雲七相五
公注七相謂丞相車千秋長陵人黃霸王商並杜陵人
韋賢平當魏相王嘉並平陵人五公謂田蚡為太尉長
陵人張安世為大司馬朱博大司空並杜陵人平晏為

司徒韋賞為大司馬並平陵人

李善注公御史大夫將軍通稱也張湯蕭望之

馮奉世史丹徙杜陵杜周徙茂陵

楊氏四公震秉賜彪

楊賜傳云三葉宰相五登

袁

職 袁氏四世五公安敞湯逢隗 韋平父子至宰相

漢武宣名臣

公孫弘傳贊曰公孫弘卜式兒寬皆以鴻漸之翼困於燕爵遯跡羊豕之間非遇其時焉能致此位乎是時漢興六十餘載海內乂安府庫充實而四夷未賓制度多闕上方欲用文武求之如弗及始以蒲輪迎枚生見主

父而歎息羣士慕嚮異人並出卜式拔於芻牧弘羊擢
於賈豎衛青奮於奴僕日磾出於降虜斯亦曩時版築
飯牛之朋已漢之得人於茲為盛儒雅則公孫弘董仲
舒兒寬篤行則石建石慶質直則汲黯卜式推賢則韓
安國鄭當時定令則趙禹張湯文章則司馬遷相如滑
稽則東方朔枚臯應對則嚴助朱買臣歷數則唐都洛
下閎協律則李延年運籌則桑弘羊奉使則張騫蘇武
將率則衛青霍去病受遺則霍光金日磾

武帝凡二十有七人其

餘不可勝紀是以興造功業制度遺文後世莫及孝宣
承統纂修洪業亦講論六藝招選茂異而蕭望之梁丘
賀夏侯勝韋玄成嚴彭祖尹更始以儒術進劉向王褒
以文章顯將相則張安世趙充國魏相丙吉于定國杜
延年治民則黃霸王成龔遂鄭弘名信臣韓延壽尹翁
歸趙廣漢嚴延年張敞之屬宣帝凡二十有四人皆有功迹見述
於世參其名臣亦其次也 王褒頌聖主得賢臣

漢山西將

趙充國傳贊曰秦漢已來山東出相山西出將將軍白
起郿人王翦頻陽人漢興郁郅王園甘延壽義渠公孫
賀傳介子成紀李廣李蔡杜陵蘇建蘇武上邽上官桀
趙充國襄武廉褒狄道辛武賢慶忌皆以武勇顯聞蘇
辛父子著節此其可稱列者也

凡十有五人

漢中興將帥

馮岑賈傳論中興將帥立功名者衆矣惟岑彭馮異建
方面之號自函谷以西方城以南兩將之功為大若馮

賈之不伐岑公之義信乃足以感三軍而懷敵人故能
剋成遠業終全其慶也 贊元侯淵謨明啟帝略子翼
守溫蕭公是埒陽夏膠東竒鋒震敵岑公義信克成遠
業吳公龍驤風行巴梁虎牙猛力功立睢陽宮俊休休
是以鷹揚好時經武能畫能兵期啟燕門霸冰虜河祭
遵好禮臨戎雅歌任邳識幾嚴城解扉純植義發奉兵
佐威悃悃安豐奉圖歸忠李通豪贍舍家從識王常知
命功惟帝念卓茂款款情慤德滿

漢河西五守 潁川四長

陶潛羣輔錄河西五守武威

梁統金城

庫鈞張掖

史酒泉

曾

燉煌

辛彤

共推竇融為河西大將軍東伐隗囂

後循吏

傳潁川四長當塗

荀淑羸韶

大丘

陳寔

林慮

鍾皓

皆潁川人以

誠篤使人不欺

通鑑桓帝永壽二年尚書選能治劇

者以韶為羸長與同郡荀鍾陳皆以德政稱時謂潁川

四長

漢東京士

左雄傳論順帝備玄纁束帛以聘南陽樊英天子降寢
殿設壇席尚書奉引延問失得於是處士拂巾衽褐以
企旌車之招矣若李固周舉之淵謨弘深左雄黃瓊之
政事正固桓焉揚厚以儒學進崔瑗馬融以文章顯吳
祐蘇章种嵩樂巴牧民之良幹龐參虞詡將帥之宏規
王龔張皓虚心以推士張綱杜喬直道以糾違郎顛陰
陽詳密張衡機術特妙東京之士於茲盛焉

凡二十人

漢涼州三明 江表虎臣

傳段熲字紀明與皇甫威明規張然明真並知名顯達

京師稱為涼州三明贊曰山西多猛三明儷蹤注前書曰秦漢

以來山東出相山西出將吳志評凡此諸將皆江表虎臣程普黃

蓋韓當蔣欽周泰陳武董襲甘寧凌統徐盛潘璋丁奉

漢三賢

韓愈作後三賢贊王充王符仲長統

漢二十四賢

羣輔錄魏文帝旌表二十四賢杜喬張真向詡陳蕃施

延李膺朱寓杜密韓融荀爽房植姜肱陳球王暢申屠
蟠張儉鄭玄冉玘李固郭泰朱穆魏少英徐穉皇甫規

明帝述撰其狀

見明帝令
及甄表狀

蜀漢三傑 四英

三國志注傅幹曰劉備寬仁有度能得人死力諸葛亮
達治知變正而有謀而為之相張飛關侯勇而有義能
萬人敵而為之將此三者皆人傑也以劉備之畧三子
之才何為不濟

傳子

華陽國志蜀人以諸葛亮蔣琬費

禕董允為四相號四英

三國名臣

袁宏傳為三國名臣頌云云 文選三國名臣序贊云
云魏志九人蜀志四人吳志七人共二十人荀彧字文
若諸葛亮字孔明周瑜字公瑾荀攸字公達龐統字士
元張昭字子布袁煥字曜卿蔣琬字公琰魯肅字子敬
崔琰字季珪黃權字公衡諸葛瑾字子瑜徐邈字景山
陸遜字伯言陳羣字長文顧雍字元歎夏侯元字泰初

虞翻字仲翔王經字承宗陳泰字元伯

唐文章三變

文藝傳序唐有天下三百年文章三變高祖太宗大難
始夷沿江左餘風故王楊為之伯玄宗好經術崇雅黜
浮則燕許擅其宗大厯貞元間美才輩出韓愈唱之柳
宗元李翱皇甫湜等和之唐之文為一王法此其極也
若侍從酬奉則李嶠宋之問沈佺期王維制冊則常袞
楊炎陸贄權德輿王仲舒李德裕言詩則杜甫李白元

稹白居易劉禹錫譎怪則李賀杜牧李商隱皆卓然以
所長為一世冠 梁肅云唐二百載文章三變初則陳
子昂以風雅革浮侈次則張說以宏茂廣波瀾天寶以
還李員外蕭功曹賈常侍獨孤常州比肩而作

沈約云自漢至魏四百餘年辭人才子文體三變相如
形似二班情理子建仲宣氣質

唐開元三傑

見御詩類 富嘉謩吳少微魏谷倚北京三傑

唐三賢

元德秀傳李華兄事德秀而友蕭穎士劉迅作三賢論
曰德秀當以道紀天下迅當以六經諧人心穎士當以
中古易今世德秀欲齊愚智迅感一物不得其正穎士
呼吸折節而獲重祿不易一刻之安使德秀據師保之
位乃見其仁迅被卿佐服居賓友謀諮治亂根原乃見
其妙穎士當廢興去就乃見其節然各有病元病酒劉
病賞物蕭病貶惡太亟獎能太重 隋大業間房李魏

公同師文中子司空圖為三賢贊

文粹

唐四夔

崔造傅永泰中與韓會盧東美張正則三人友善自謂

王佐才故號四夔

韓愈集云其義以為道可與古之夔皋者侔

唐轅門二龍

唐書開元中烏承恩承玘為平盧先鋒號轅門二龍

陳翊撰忠武公

郭子儀也

將佐略錄副佐三十三人大將二

十七人官至宰相者七人節度使二十八人尚書丞郎

京尹十人廉察使五人

所書六十人而顯名於世蓋五十人猶言得其六七如杜鴻漸

黃裳李光弼光顏之徒偉然名世志胡為郭令公家傳八卷書目十卷將佐畧并人名在內第九卷行狀

第十卷將佐畧

唐三俊

李紳傳紳為翰林學士與李德裕元稹同時號三俊

穆宗

時

封爵

書曰五服之章天所以命有德禮曰以賢制爵記曰

以爵崇德傳曰爵不踰德蓋先王封爵必以賢德者稱之非人主可私也故王嘉曰王者代天爵人尤宜謹之

舜賞爵有功

商頌長發疏中候握河紀說堯云斯封稷契臯陶賜姓號是堯封之也考河命說舜之事云褒賜羣臣賞爵有功稷契臯陶益土地是舜益地為大國也自契以上大國百里握河紀注云稷契公也公即周禮三公八命其

出封加一等然則堯封契已應百里舜又益之者以有

大功特加褒賜如周賜魯衛之屬

帝王世紀云舜褒賜羣臣尊任伯禹稷契

臯陶皆益地

夏五等爵 殷三等爵 周五等爵 周五等爵

王制王者之制祿爵公侯伯子男凡五等諸侯之上大

夫卿大夫上士中士下士凡五等天子之三公之田視

公侯卿視伯大夫視子男元士視附庸注此地殷所因

夏爵三等之制殷爵三等公侯伯也周武王初定天下

更立五等之爵增以子男猶因殷之地以九州為界尚
狹也周公致太平始斥大九州之界公五百里侯四百
里伯三百里子二百里男百里

見大司徒

所因殷之諸侯以

其功黜陟之其不合者皆益地為百里周世有爵尊而

國小號爵卑而國大者唯天子畿內不增以祿羣臣不

主為治民正義夏玉帛萬國若不百里七十五里則
不得為萬國殷微子箕子是畿內采地之爵元命包云

周爵五等象五精春秋三等象三光說者以為文家爵

五等質家爵三等虞書輯五瑞修五禮五玉豈復三等乎禮緯含文嘉云殷爵三等夏亦三等案孝經夏制而云公侯伯子男是不為三等也殷以前大夫以上有爵周士亦有爵五等者虞下及周制殷則三等 禮職方氏云云正義王制公侯方百里伯七十里子男五十里此夏制五等爵三等受地殷湯因之合伯子男為一惟有公侯伯三等爵三等受地周武王增以子男爵地與夏同周公斥大九州九州方七千里五等之爵五等受

地公惟有二王後及東西伯虞號舊是殷之公至周仍守百里國以無功故也 書武成列爵惟五分土惟三

注爵五等公侯伯子男正義周禮大司徒諸公之地方五百里侯四百里伯三百里子二百里男百里蓋周衰諸侯相併妄為說耳 史記三王世家曰周爵五等春

秋三等注鄭玄曰孔子變周之文從殷之質合伯子男以為一 漢地理志周爵五等而土三等蓋千八百國而太昊黃帝之後唐虞侯伯猶存 王莽傳周爵五等

地四等有明文公一等侯伯二等子男三等附庸四等

殷爵三等有其說無其文

注公一等侯二等伯子男三等

揚子周建

子弟列名臣班五爵 陸機五等論五等之制始於黃

唐

湯制爵祿

晉地理志成湯敗桀於焦遷鼎於亳伊摯仲虺之徒大明憲典王者之制爵祿公侯伯子男凡五等八州州有二百一十國天子之縣內百里之國九七十里之國二

十有一五十里之國六十有三凡九十三國名山大澤

不以班餘以為閑田凡九州千七百七十三國

同王制

王制注祿所受食爵秩次正義總記三王制度 陸士

衡五等論成湯親照夏之鑑五等之禮不革於時 陳

氏曰有爵者必有祿有祿不必有爵庶人在官非有爵

也而其祿有差 葉氏曰祿以詔功爵以詔德制其等

則自公至於下士爵之名也自天子之田方千里至庶

人之在官者祿之差也 徐氏曰祿爵二柄聖主所以

辨儀等定名分立綱維

周班爵祿

孟子萬章北宮錡問曰周室班爵祿也如之何

注問周家班列

爵祿等差孟子曰其詳不可得聞也諸侯惡其害已也而皆

去其籍

注今周禮司祿之官無其職是諸侯去之故不復存孟子時諸侯兼國愈廣受祿逾制齊方

百里者十魯百里者五是以去籍然而軻也嘗聞其畧也

注今攷之禮記王制則合

天子一位公一位侯一位伯一位子男同一位凡五等

君一位卿一位大夫一位上士一位中士一位下士一

位凡六等

諸侯有君道有臣道有君道故與天子同
為五等有臣道故與其臣又同為六等天

子之制地方千里公侯皆方百里伯七十里子男五十

里凡四等不能五十里不達於天子附於諸侯曰附庸

春秋邦儀
父之類

天子之卿受地視侯大夫受地視伯元士受

地視子男大國地方百里君十卿祿卿祿四大夫大夫

倍上士上士倍中士中士倍下士下士與庶人在官者

同祿祿足以代其耕也

自君以下所食之祿皆助法之
公田藉農夫之力以耕而收其

租士之無田庶人在官者但
受祿於官如田之入而已

次國地方七十里君十卿

祿卿祿三大夫大夫倍上士上士倍中士中士倍下士
下士與庶人在官者同祿祿足以代其耕也小國地方
五十里君十卿祿卿祿二大夫大夫倍上士上士倍中
士中士倍下士下士與庶人在官者同祿祿足以代其
耕也耕者之所獲一夫百畝百畝之糞上農夫食九人
上次食八人中食七人中次食六人下食五人庶人在
官者其祿以是為差

自古至秦漢無不以穀粟制
祿王制正義云祿有穀也

大

宰八柄爵馭貴祿馭富大司徒以賢制爵以庸制祿司

士以德詔爵以功詔祿 大宗伯五命賜則注玄謂則地未成國之名王之下大夫四命出封加一等五命賜之以方百里二百里之地者方三百里以上為成國王莽時以二十五成為則方五十里合今俗說子男之地獨劉子駿等識古有此制焉

周封八百國 千八百國

呂氏春秋周所封四百餘服千八百餘 漢諸侯表周監二代三聖制法立爵五等封國八百同姓五十有餘

周公康叔建於魯衛各數百里太公於齊亦五侯九百之地詩載其制曰介人惟藩 功臣表杜業曰唐

以萬國致時雍之政虞夏以之多羣后饗共已之治湯法三聖殷氏太平周封八百重譯來賀內恕之君樂繼絕世至於不及下車德念深矣 後漢書阜陵王延傳

章和元年詔曰周之爵封千有八百姬姓居半以幹王室 晉地理志武王歸豐監於二代設爵惟五分土惟三封同姓五十餘國凡千八百國布列於五千里內 王制

注孝經說云云 淮南子 禹平水土定千八百國 而太昊黃帝之後唐虞侯伯

猶存于時治致太平民口千三百七十一萬四千九百

三十三蓋周之盛也春秋之初尚有千二百國 見帝王世紀

而見於春秋經傳者百有七十國 指掌圖云一百二十四國 百三十

九知其所居魯邾鄭宋至桐亳韓趙三十一國盡亡其

處 祭極荀賈至 駿夷窮桑 蠻夷戎狄不在其間戰國七王又有宋

衛中山不斷如綫 志以夏商時諸侯斟尋 過戈承韋之類並列 職方氏凡

邦國千里封公以方五百里則四公方四百里則六侯

方三百里則七伯方二百里則二十五子方百里則百男注周九州之界方七千里方千里者四十九其一為畿內餘四十八州各有方千里者六周公變殷制小國皆方百里州二百一十國以男備其數餘以為附庸

七伯字誤

方三百里為方百里
九十九為十一伯

疏言凡邦國者畿內要

服已內有八州州別置百二十一國總有千六百八十國王制云天子縣內九十三國凡九州千七百七十三國是通畿內外為數並是殷周國數也

周禮疏又引洛誥傳云天下諸

侯悉來進受命於周者千七百七十三諸侯注云八州立二百一十國畿內九十國王制正義殷末諸

侯千二百周公制禮準王制千七百七十三國言千八百者舉全數通典云殷時大國二百四十九次國

五百一小國一千二十三列國卿大夫士十萬一千三十二人後漢志注帝王世紀曰周制五等之封凡千

七百七十三國又滅湯時千三百矣滄山會萬國逮湯受命其能存者三千餘國荀子周公立七十一國姬

姓五十二周書世俘解易氏曰孟子所言百里至武王服國六百五十有二

五十里者除一易再易及山川附庸之地舉民賦之實

數言之也此經所言五百里至百里者廣言一易再易

與山川附庸之地舉地域之大數言之也名異而實一

若夫其食者半諸公其食者三之一侯伯四之一子男
後鄭謂公之地以一易侯伯之地以再易子男之地以
三易地域雖廣皆以民賦為正又於民賦之中食其所
當食之數如授田之法受田皆百畝者民賦也三百畝
以至百五十畝者地域也即大司馬令賦之法

大司徒

王制天子之縣內諸侯祿也外諸侯嗣也注選賢置之
於位其國之祿如諸侯不得世外諸侯有功乃封之使
之世冠禮記曰繼世以立諸侯象賢也葉氏曰古者

公卿大夫有功德則出封為諸侯是在外世爵者乃內之世祿臣也諸侯有功德亦入為公卿是內之世祿者或在外之世爵諸侯也內外更易而輕重所以均

周爵名

荀子正名篇後王之成名刑名從商爵名從周文名從禮注商之刑法未聞康誥曰殷罰有倫爵名從周謂五等諸侯及三百六十官也文名謂節文威儀

制爵以德制祿以功

德有厚薄故爵有崇卑功有多寡故祿有豐殺

表記周人尊禮其賞罰用爵

列注以尊卑為差 舜輯五等諸侯之瑞而班之則五等之爵自舜以來未之有改鄭氏謂殷爵三等非也武王爵列以五土分以三蓋襲殷之舊爾周公增損其制上公五百里至男百里蓋指開方言之去王制不大相遠矣 三等之地正封也五等之附庸廣封也周公斥大九州之界公侯之國盖有增多附庸而百里七十里五十里之制亦無增損此魯所以有七百里而孟子謂周公封魯地方百里也詩曰錫之山川土田附庸附庸

舉虛封言之所謂七百里是也土田舉實封言之所謂方百里是也先王之制出為列國之君入為王朝之臣所以一內外也內為三公稱公外而諸侯亦稱公故畢公以父師保釐東土衛侯以列國入相于周周公居東復相成王山甫徂齊式造其歸春秋以來鄭武公入為周司徒莊公為平王卿士滕侯曰我周之卜正鄭注司徒云凡諸侯為牧正帥長及有德者乃有附庸非國國皆有書曰萬邦總四海之內大畧而言也禹會

塗山執玉帛者萬國此左氏之妄不過見東方諸侯耳
豈使四海之內會於一山下哉 名山大川皆天子使
吏治之而入其貢賦九州川浸山藪各有職方不屬諸
侯之版春秋諸侯或兼而擅之齊幹山海晉私郟瑕守
桃林之塞宋有孟諸楚有雲夢皆不入於王官 天子
縣內諸侯世其祿而不嗣畢高以父師而保釐東土衛
武以列國而入相于周蓋與後世出入均勞之意同
春秋列國官制無復王制之舊宋置左右二師以擬三

公而又有六卿晉三卿將佐皆卿而司馬司空位大夫之列 甸侯建國列國數圻魯三家三分公室而各有其一 伯者以意之向背為升降諸國以勢之強弱相上下會盟征伐先後易序曹杞伯也或居子男之下楚子也或居侯伯之上魯以周班後鄭楚以衰甲先晉滕薛爭長蔡衛爭先逞其私意不顧王爵

周三恪

左傳襄二十五年子產曰封陳以備三恪注周封夏殷

二王後又封舜後謂之恪并二王後為三國其禮轉隆

示敬故曰三恪疏鄭玄謂杞宋為二王之後薊祝陳為

三恪樂記武王克殷未及下車而封黃帝之後於薊

帝堯之後於祝帝舜之後於陳下車而封夏之後於杞

投殷之後於宋

呂氏春秋封黃帝之後於鑄封帝堯之後於黎史記武王封神農後於焦黃

帝後於祝堯後於薊與樂記不同任宿須句顓臾太皞之後莒鄭少昊之後

郊特牲尊賢

不過二代

二或為三

疏案異議公羊說存二王之後通夫三

統之義古春秋左氏說周家封夏殷二王之後以為上

公封黃帝堯舜之後謂之三恪韋玄成等引外傳曰五王之樂可得觀乎知王者所封五代而已鄭駁曰存二王之後命使郊天恪者敬也敬其先聖而封

漢二等爵 啓九國

諸侯王表周監於二代三聖制法立爵五等封國八百同姓五十有餘魯衛各數百里齊亦五侯九伯之地所以親親賢賢褒表功德深根固本為不可拔也秦自任私智姍笑三代盪滅古法內無骨肉本根之輔外無尺

土藩翼之衛故曰周過其厯秦不及期國勢然也漢興之初海內新定同姓寡少懲戒亡秦之敗於是剖裂疆

土二等之爵

漢封功臣大者王小者侯也

功臣侯者百有餘邑尊王

子弟大啓九國自鴈門已東盡遼陽為燕代常山以南太行左轉度河濟漸于海為齊趙穀泗以往奄有龜蒙

為梁楚東帶江湖薄會稽為荆吳

師古曰荆吳同是一國文穎曰即今吳也

高六年為荆國十年更名吳北界淮瀕略廬衡為淮南波漢之陽巨

九嶷為長沙

史記九國之數有淮陽中陳故都暨陽夏扶溝為淮陽

諸侯比境周

匝三垂

北東南也

外接胡越天子自有三河東郡潁川南陽

自江陵以西至巴蜀北自雲中至隴西與京師內史凡

十五郡公主列侯頗邑其中而藩國大者跨州兼郡連

城數十宮室百官同制京師然折諸呂之難成太宗之

業亦賴之於諸侯也

秦紀列侯之下復有倫侯見琅琊臺刻石

史諸侯表

漢興序二等

韋昭曰大者王小者侯

高祖子弟同姓為王者九國

唯獨長沙異姓而功臣侯者百有餘人

九國燕代齊趙梁楚荆吳淮南

淮陽并長沙為十國索隱曰徐廣九國不數吳蓋荆絕乃封吳始封楚元王交位第一師古曰以封日先後

為次

三王世家高皇帝封建諸侯爵位二等

班氏序九國不言淮陽而列長沙師古謂九國之數在下蓋不知班氏之失當以遷表為正 班氏析異姓同姓為二表則太史公之封二等之叙與文意不屬蓋太史公為異姓言也二等為異姓同姓合而言之也若二等之爵不可不載則唯獨長沙異姓六字不當削遷雖於表序總說而表列淮陽固序既明言荆吳淮南長沙而不言淮陽表復不列梁與淮陽又

削長沙異姓一句何以知淮陽為九國之數而長沙
在外也

高紀

無表

六年春正月丙午以故東陽郡鄆郡吳郡五十

三縣立劉賈為荆王以碭郡薛郡郟郡三十六縣立弟

交為楚王

素載交為先封居第一

壬子以雲中鴈門代郡五十三

縣立兄喜為代王以膠東膠西臨淄濟北博陽成陽郡

七十三縣立子肥為齊王九年正月徙代王如意為趙

王十一年正月己丑立子恒為代王三月丙午立子恢

為梁王子友為淮陽王十月庚午立長為淮南王十二年

十月辛丑淠為吳王

荆更
為吳

三月甲午建為燕王

高紀九
年十月

淮南梁趙楚王朝未央宮置酒前殿十
年十月淮南燕荆梁楚齊長沙王來朝

曹元首六代

論諸呂擅權而天下不能以搖動者東牟朱虛授命於
內齊代吳楚作衛於外也

漢賜爵故事 賜民爵

紀高祖二年二月立漢社稷施恩惠賜民爵五年五月
詔軍吏爵不滿大夫者皆賜爵為大夫故大夫以上賜

吏六百石以上爵皆一級來歸者赦之加爵亦一級

惠帝三

即位五月賜民爵一級中郎中滿六歲爵三級四歲二級外郎滿六歲二級中郎不滿一歲

一級外郎不滿二歲賜錢萬官尚食比郎中謁者執仗執戟武士騶比外郎太子御驂乘賜爵五大夫舍人滿五歲二級元年賜民爵戶一級五年長安城成賜民爵戶一級

高后

一元年二月賜民爵戶一級

文帝二

即位賜民爵一級元年建太子賜為父後者爵一級

景帝七

三年六月立膠西中山王

四年六月赦賜民爵一級七年四月丁巳立太子賜民為父後者爵一級中元年四月赦五年六月赦皆賜民爵一級後元年三月賜民爵一級中二千石諸王侯相爵右庶長三年正月太子冠賜民為父後者爵一級

武帝五

建元元年二月赦賜民爵一級元光元年四月

子賜中二千石爵右庶長民為父後者一級元鼎四年十月祠五畤元封元年封泰山皆賜民爵一級昭

帝二

始元五年六月賜中二千石以下吏民爵各有差元鳳四年正月丁亥帝加元服賜中二千石以下

及民爵

宣帝十四

本始元年五月鳳皇集賜吏二千石諸侯相下至中郎官宦吏六百石爵各有

差自左更至五大夫賜人爵各一級孝者二級二年六月尊世宗廟賜民爵一級地節三年四月戊申立太子賜御史大夫爵關內侯中二千石爵右庶長天下當為父後者爵一級元康元年二月鳳皇集甘露降賜勤事吏中二千石以下至六百石爵自中郎吏至五大夫佐吏以上二級民一級二年三月以鳳皇甘露降集賜吏爵二級民一級三年春四年三月神爵元年三月皆賜吏爵二級民一級神爵四年二月賜民爵一級四月穎

川黃霸治行賜吏民有行義者爵人二級力田一級五
鳳元年正月太子冠賜列侯嗣子爵五大夫為父後者
爵一級三年三月甘露二年正月皆賜民
爵一級三年二月單于朝賜民爵一級
元帝八初元
正月賜雲陽民爵一級四月丁巳立太子賜御史大夫
爵關內侯中二千石右庶長天下當為父後者爵一級
四年三月祠后土賜民爵一級永光元年三月二年二
月賜吏民爵建昭五年三月賜民爵一級竟寧元年正
月皇子冠賜列侯嗣子爵五
成帝七建始三年三月賜
大夫天下為父後者爵一級
孝弟力田爵二級
河平元年三月改元賜吏民爵四年正月賜孝弟力田
爵二級鴻嘉元年二月賜民爵一級永始二年二月吏
民入穀者百萬以上加賜爵右更三十萬以上賜爵五
大夫四年正月賜雲陽吏民爵綏和元年二月癸丑立
太子賜天下當
哀帝二
平帝一
光武三建武二十
為父後者爵
九年二月

庚申三十年五月三十一日
五月戊辰賜男子爵人二級
顯宗六
中元二年即位四月丙辰賜天下男

子爵人二級三老孝弟力田人三級爵過公乘得移與子及流人無名數欲自占者人一級永平三年二月甲

子立太子十二年五月丙辰同十五年四月庚子賜男子爵人三級十七年五月戊子賜男子爵人二級三老

孝弟力田人三級流人無名數欲占者人一級十八年四月己未賜男子爵人二級流民無名數欲占者人一

級
肅宗四
永平十八年即位十月丁未大赦賜民爵人二級為父後及孝悌力田人三級脫無名數

及流人欲占者人一級爵過公乘得移與子建初三年三月癸巳立后賜爵人二級三老孝悌力田人三級民

無名數及流人欲占者人一級元和二年五月戊申詔祖宗舊事或班恩施其賜天下吏爵人三級九月壬辰

詔鳳皇黃龍所見亭部加賜男爵人二級先見者帛二十疋近者三疋太守三十疋令長十五疋丞尉半之它

如賜爵故事 和帝三 安帝七 順帝五 質帝三 桓靈

獻皆一 賜爵故事立社稷即位立皇太子王皇子皇

太子冠改元征代力役募民徙塞

晁錯言守備曰募民以往皆賜高爵復其

家

封禪祥瑞帝加元服尊廟號褒吏治灾異匈奴來朝

惠六年丈後六年令民得賣爵荀氏漢紀曰賜民爵

所以宣恩惠慰人心也庾峻曰秦時不知德惟爵是聞

故閭閻以公乘侮其鄉人郎中以上爵傲其父兄大事

記普賜天下民爵自惠帝始 後紀注商鞅為秦制爵

二十級賜爵者有罪得贖貧者得賣與人漢制賜爵自
公士已上不得過公乘故過者得移授也

明帝紀爵遇
公乘得移與

子注
云云

漢二十等爵 列侯印 執帛 執圭 上聞

爵

百官表爵一級曰公士

師古曰言有爵
命異於士卒也

二上造

言有成
命於上

也 三簪褭

以組帶馬曰褭
言飾此馬也

四不更

言不豫更
卒之事

五大夫

位列

從大 夫 六官大夫七公大夫

加官公者
示稍尊也

八公乘

得乘公
家之車

九

五大夫

大夫之尊也

十左庶長

卜式桑弘羊為之

十一右庶長

庶長言為

衆列之長

十二左更十三中更十四右更

更言主領更卒部其後使

十五

少上造十六大上造

言皆主上造之士也良造即大上造也

商鞅為大白起為左庶長

明年為左更遷為國尉明年為大良造公孫衍為大良造

十七駟車庶長

言乘駟馬之車而為

衆長也

十八大庶長

又更尊也

十九關內侯

言有侯號而居京畿無國邑

二

十徹侯

言其爵位上通於天子

皆秦制

左傳正義云成十三年有不更女父襄十一年有庶

長鮑庶長武春秋之世已有此名蓋後世以漸增之商君定為二十非是商君盡新作也

徹侯金印

紫綬避武帝諱曰通侯或曰列侯改所食國令長名相

又有家丞門大夫庶子諸侯王高帝初置金璽蓋綬掌

治其國

蔡邕云漢制皇子封為王其實諸侯也漢舊儀云諸侯王黃金璽素駝紐文曰璽

高

紀五年五月詔曰民各歸其縣復故爵七大夫以上皆

令食邑

師古曰七大夫公大夫也爵第七臣瓚曰秦制列侯乃得食邑今七大夫以上皆食邑所以寵

之 又曰七大夫公乘以上皆高爵也諸侯子及從軍歸

者甚多高爵吾數詔吏先與田宅及所當求於吏者亟與爵或人君上所尊禮久立吏前曾不為決異日秦民爵公大夫以上令丞與亢禮今吾於爵非輕也吏獨安

取此其令諸吏善遇高爵八年春三月令爵非公乘以上毋得冠劉氏冠十二年三月詔有功者上致之王次為列侯下乃食邑為列侯食邑者皆佩之印賜大第室吾於功臣亡負矣

惠紀云爵五大夫上造以上

續志列侯所食縣

為侯國

黃瓊曰諸侯以戶邑為制不以里數為限

本注曰承秦爵二十等為

徹侯

後避武帝諱為列侯

金印紫綬以賞有功功大者食縣小者

食鄉亭得臣其所食吏民舊列侯奉朝請在長安者位次三公中興以來唯以功德賜位特進者次車騎將軍

胡廣漢制度曰功德優盛朝廷所敬異者賜位特進在三公下不在車騎下 賜位朝侯次五

校尉賜位侍祠侯次大夫其餘以肺附及公主子孫奉

墳墓於京師者亦隨時見會位在博士議郎下諸王封

者受茅土歸以立社稷列侯特進朝侯賀正月執璧云

云云關內侯承秦賜爵十九等無土寄食在所縣民租

多少各有戶數為限

荀綽晉百官表注曰時六國未平將帥家皆關中故以為號古今

注曰建武六年初令關內侯食邑者奉月二十五斛注劉劭爵制曰春秋傳襄十一年

有庶長鮑

左傳不更女父注秦爵秦紀有庶長弗忌商鞅為左庶長白起為左更栲里子爵右

更商君為政修其法品為十八級合關內侯列侯凡二十等其制因古義古者天子寄軍政於六卿居則以田警則以戰在國則以比長閭胥族師黨正州長鄉大夫為稱在軍則以卒伍司馬將軍為號所以異在國之名也秦依古制其在軍賜爵為等級其帥人皆更卒也有功賜爵則在軍吏之例自一爵以上至不更四等皆士也大夫以上至五大夫五等比大夫也九等依九命之義也自左庶長以上至大庶長九卿之義也關內侯者

依古圻內子男之義也列侯者依古列國諸侯之義也然則卿大夫士下之品皆倣古比朝之制而異其名亦所以殊軍國也古者以車戰兵車一乘步卒七十二人分翼左右公士步卒之有爵者上造造成也古者升司徒曰造士雖依此名皆步卒也簪褭御駟馬者要褭古之名馬也駕駟馬者其形似簪不更者為車右不復與凡更卒同也大夫者在車左者也官大夫公大夫公乘五大夫皆軍吏也吏民爵不得過公乘得賞與子若同

產然則公乘者軍吏之爵最高者也云云自左庶長已上至大庶長皆卿大夫皆軍將也所將皆庶人更卒故以庶更為名大庶長即大將軍也左右庶長即左右偏裨將軍也 貨殖傳秦漢之制列侯封君食租稅歲率戶二百千戶之君則二十萬朝覲聘享出其中 列傳

樊噲卻敵賜爵國大夫

即官大夫

擊章邯軍賜爵列大夫

即公

大破李由軍賜上聞爵

如淳曰魏文侯勝齊天子賞文侯以上聞見呂氏春秋晉灼曰

夫

名通於天子也

成武卻敵賜爵五大夫破趙貫軍賜爵卿攻宛

陵先登賜爵封號賢成君東攻宛城西至鄜賜重封

古師

日加漢王賜噲爵為列侯號臨武侯

商君為法於秦戰斬一首者賜爵一

級有軍功者各以率受上爵

曹參賜爵七大夫遷五大夫封執帛

遷執珪

張晏曰孤卿執帛侯伯執珪以朝位比之如淳曰呂氏春秋得伍員位執珪古爵也戰國策

楚昭陽曰官為上柱國爵為上執珪

灌嬰賜爵七大夫執帛執圭 夏

侯嬰賜爵七大夫五大夫執帛執圭賜爵封賜爵列侯

號昭平侯 周勃下邑先登賜爵五大夫 傅寬以魏

五大夫騎將從賜爵卿 朱博為丞相封陽鄉侯食邑

二千戶上書讓曰故事封丞相不滿千戶願還千戶許之表元朔三年十一月乙丑平津侯公孫弘以丞相詔所褒侯三百七十三戶征和四年六月丁巳富民侯車千秋以丞相侯八百戶平當傳御史大夫至丞相以冬月賜爵關內侯注如淳曰漢儀注御史大夫為丞相更春乃封李奇曰以冬月非封侯時關內侯食邑

舊無邑此特恩也

田廣明宗正德典屬國武蕭望之李沮

李息竇如意騎士孟已校尉敢陳湯後漢桓榮

又鄧彪賜爵關

內侯

漢賣爵令

食貨志文帝十二年晁錯說上曰今募天下入粟縣官
得以拜爵帝從之令民入粟邊六百石爵上造稍增至
四千石為五大夫萬二千石為大庶長各以多少級數

為差

晁錯傳言郡縣之民得買其爵以自增至卿注景
師古曰二十等爵無卿蓋謂其等級同卿者

帝時上郡以西旱復修賣爵令裁其賈音價以招民景紀後二

年五月詔曰今訾算十以上名得官云訾
算四得官亡令廉士失職注十算十萬也武帝時民多

欽定四庫全書

玉海
卷一百三十四

四十

買復及五大夫千夫征發之士益鮮於是除千夫五大夫為吏不欲者出馬令吏入穀補官郎至六百石入財得補郎弘羊請令民得入粟補吏入粟甘泉各有差卜

數入財佐縣官起拜中郎賜爵左庶長 黃霸入錢賞官補侍郎謁者復入穀沈黎郡補左馮翊二百石卒史

紀成帝鴻嘉三年夏四月令吏民得買爵賈級千錢

永始二年二月乙酉晦詔關東比歲不登吏民入穀助

賑贍者其百萬以上加賜爵右更第十爵欲為吏補三百

石吏遷二等三十萬以上賜爵五大夫吏亦遷二等民

補郎云云 後紀安帝永初三年四月丙寅三公以國
用不足秦令吏人入錢穀得為關內侯虎賁羽林郎五
大夫官府吏緹騎營士各有差桓帝延熹四年七月賣
關內侯虎賁羽林緹騎營士五大夫錢各有差亦見後

史記秦始皇四年七月令百姓內粟千石拜爵一級

惠帝紀元年十二月民有罪得買爵三十級以免死罪
應邵曰一級直錢二千凡為六萬若今贖罪入三十疋鍊矣 六年十月令民得賣爵

漢武功爵

武紀元朔元年匈奴入遼西漁陽鴈門衛青獲首虜二
年匈奴入上谷漁陽衛青獲首虜收河南地置朔方五
原郡四年匈奴入代定襄五年衛青將六將軍兵斬首
虜萬五千級六年四月復將六將軍絕幕大克獲六月
詔曰今中國一統而北邊未安朕甚悼之大將軍巡朔
方征匈奴斬首虜受爵賞而欲移賣者無所流貶其議
為令有司奏請置武功賞官以寵戰士 食貨志武帝
時大司農陳臧錢經用賦稅既竭不足以奉戰士有司

請令民得買爵及贖禁錮免減罪請置賞官名曰武功

爵

注臣瓚曰茂陵中書有武功爵一級曰造士二級曰開與衛三級曰良士四級曰元戎士五級曰官首六

級曰秉鐸七級曰千夫八級曰樂卿九級曰執戎十級曰政戾庶長十一級曰軍衛此武帝所制以罷軍功師古曰此下云級十七萬凡直三十餘萬金今瓚所引茂陵中書止於十一級則計數不足與本文乖戾或有茂陵書所說 級十七萬 劉氏曰賣爵當級級稍增其價豈不盡也 可例云級十七萬蓋武功爵其級

十七誤 凡直三十餘萬金請買武功爵官首者試補吏

先除千夫如五大夫

注師古曰五大夫舊二十等爵之第九級也至此以上始免徭役故

每先選以為吏千夫者武功十一等爵之第七級也亦得免役今則先除為吏比於五大夫也 其有罪

又減二等爵得至樂卿以顯軍功

注樂卿者武功爵第八等也言買爵唯得

至第八也

軍功多用超等大者封侯卿大夫小者郎

楊僕傳以千夫

為吏注千夫謂武功賞官

功臣表須無曾孫秉鐸聖

注秉鐸武功爵第六級准嬰曾孫官首匿注官首爵名

荀悅申鑒曰孝武以四夷未賓寇賊姦軌初置武功

賞臣以寵戰士若今依此科而崇其制置尚武之官以

司馬兵法選位秩比博士講司馬之典簡蒐狩之事賞

軍功爵賞小統於五校大統於太尉既周時務禮亦宜

之

漢永光錄功拜爵

見兵捷類

馮奉世

漢

亦作魏

六等爵

魏志漢建安十二年二月大封功臣二十餘人皆為列侯建安二十年冬十月始置名號侯爵十八級關中侯爵十七級皆金印紫綬置關內外侯十六級銅印龜紐墨綬五大夫十五級銅印環紐墨綬皆不食租與舊列侯關內侯凡六等以賞軍功

裴松之以為今之虛封蓋自此始

魏明帝

太和六年二月詔封諸侯王以郡為國

魏五等爵 晉封建制 五等封

晉紀魏咸熙元年七月荀顛定禮儀賈充正法律裴秀
議官制太保鄭冲總而裁焉始建五等爵晉武帝泰始
二年二月己未詔曰五等之封皆錄舊勳本為縣侯者
傳封次子為亭侯為鄉侯為關內侯亭侯為關中侯皆
食本戶十分之一 地理志魏黃初三年三月乙丑初
制封王之庶子為鄉公嗣王之庶子為縣侯公侯之庶

子為亭伯晉文帝為晉王命裴秀等建立五等之制唯
安平王孚邑萬戶其餘縣公邑千八百戶地方七十五
國大國侯邑千六百戶地方七十里次國侯邑千四百
戶地方六十五里大國伯邑千二百戶地方六十里次
國伯邑千戶地方五十里大國子邑八百戶地方五十
里次國子邑六百戶地方四十五里男邑四百戶地方
四十里 裴秀傳魏咸熙初議五等之爵自騎督以上
六百餘人皆封於是封秀濟川侯地方六十里邑千四

百戶 高柔傳咸熙中開建五等封孫渾昌陸子蔣濟
孫凱為下蔡子劉放子正方城子孫資子宏離石子王
祥睢陵侯王覽即丘子羊祜鉅平子傅祗涇原子鄭袤
密陵伯傅元鶉觚男賈充臨沂侯為晉元勳 職官志
咸寧三年楊珧荀勗追裴秀立五等封建之旨詔議其
制有司奏諸王公更制戶邑皆中尉領兵平原汝南琅
邪扶風齊為大國梁趙樂安燕安平義陽為次國餘為
小國又為郡公制度如小國王中尉領兵郡侯如不滿

五千戶王置一軍亦中尉領之增魯公戶邑進王沈郡
公羊祜郡侯南宮王承隋王萬各增邑為三千戶制度
如郡侯置一軍自此非皇子不得為王而諸王支庶各
推恩受封為公侯伯子男伯子男以下不置軍

大國中
軍二千

人上下軍各千五百次國
上軍二千人下軍千人

晉改定國秩

成帝紀咸和元年十一月壬子改定王侯國秩九分食
一石

唐三恪

會要武德元年五月二十二日以鄴公介公共為二王

後周隋永昌元年以周漢後為二王舜禹湯之裔為三恪

神龍元年五月復舊天寶七載五月詔後魏裔孫為三

恪八載孝文十代孫元伯明韓國公九載求殷周漢後為三恪

唐九等爵 實封 鐵券銘功

百官志司封凡爵九等一曰王食邑萬戶正一品二曰

嗣王郡王五千戶從一品三曰國公三千戶從一品四

曰開國郡公二千戶正二品五曰開國縣公千五百戶

從二品六曰開國縣侯千戶從三品七曰開國縣伯七

百戶正四品八曰開國縣子五百戶正五品上九曰開

國縣男三百戶從五品上

通典並云其上加實封者仍給租庸

皇兄弟皇

子封國為親王皇太子子為郡王親王子承嫡為嗣王

諸子為郡公以恩進者封郡王襲郡王嗣王者封國公

凡封戶三丁以上為率歲租三之一入于朝廷食實封

者得真戶分食名山大川畿內地不封會要貞觀二

十三年九月八日敕諸王食一千戶封開元二十年五

月十日勅諸食實封並以三丁為限

玄宗紀

兼舊史等書

開元五年五月丙辰詔公侯子孫襲封十年十一月乙

未詔宰相共食實封三百戶以七丁為限

堂封自此始

二十

四年欲賜牛仙客實封張九齡曰漢法非有功不封唐

遵漢法太宗之制也

劉幽求傳

兼月

景雲二年拜侍

中十月甲辰璽詔曰幽求翊贊聖儲震殄元惡雖昨以

土宇而賦入未廣昔西漢行封更擇多戶東京定賞復

增大邑宜加賜實封二百戶子孫傳國無絕特免十死

銘諸鐵券以傳其功

會要劉幽求七百戶先天二年八月十一日勅

臨淄王

封韋氏預參大策

唐賜爵

紀高宗乾封元年正月壬申以封禪大赦改元中宗神

龍元年九月壬午祀明堂大赦玄宗天寶八載閏月丙

寅謁太清宮大赦德宗大曆十四年六月己亥即位大

赦皆賜民古爵

唐開元新制

公主傳開元新制長公主封戶二千帝妹戶千率以三
丁為限皇子王戶二千主半之左右以為薄帝曰百姓
租賦非我有士出萬死賞不過束帛女何功而享多戶
邪使知儉嗇不亦可乎於是公主所廩殆不給車服後
咸宜益封至千戶諸王皆增自是著于令主不下嫁亦

封千戶

會要開元十年加永穆公主封一千戶至乾
元元年三月一日諸公主宜各給五百戶

諸王傳唐制親王封戶八百增至千高宗時沛英豫三

王始踰制開元後天子睦兄弟宋王戶至五千五百岐
薛王五千申王四千邠王千八百帝追思薛王業引見
子瑗等下詔共賜實封千戶瑗為樂安王瑒滎陽王宗
正卿瑁為嗣薛王 會要景龍三年食封邑者一百四
十餘家應出封戶凡五十四州百姓著封戶者甚於征
行十一月御史宋務光上疏曰近者封建頗緣恩澤功
無橫草人已分茅沃壤名藩多入侯國邑收家稅半於
天府伏惟酌宗周之前訓咨武德之舊章地匪宗盟勳

殊社稷不宜加於食邑自可寵以虛名兵部尚書韋嗣

立上疏曰食封之家用六十餘萬丁

計一百二十萬匹已上 皇運

之初功臣食封纔三二十家今恩澤受封至百四十家

已上私門資用有餘國家支計不足

原闕

先天二年

八月己亥以中書令張說祭酒褚無量輔導有功說封

燕國公食實封三百戶無量舒國公二百戶 吳湊繇

布衣與兄淑一日賜官封皆等

端拱賜爵

端拱元年閏五月丙申賜高年百二十人爵為公士

秦漢

以後不復賜民爵自藉田禮成正月乙亥詔書始復賜焉

開寶中澶密等州民年

八十以上呂繼美等二十九人並賜爵公士 咸平五

年十二月賜京城父老百十九歲祝道岳爵公士 祥

符三年三月戊辰賜祥符等縣年八十以上者爵公士

祥符二年七月乾封民以天書降其地賜爵公士

景德天禧間民能禽盜者亦賜

景祐封國三等

景祐三年正月戊子學士承旨章德象上封國名三等皆遞升其宋趙梁壽四國不以封從之 唐制食實封者給縑帛唐末五代始有特加邑戶而罷實封之給又去縣公之名封侯以郡皇朝沿其制文臣少卿監武臣副率以上有封爵丞郎學士刺史大將軍以上有實封但以增戶數為差邑過其爵則并進爵焉止於開國郡公每加食邑自千戶至二百戶實封自六百戶至百戶皆六等親王重臣或特加有踰千戶者凡加食邑宰相

千戶實封四百戶餘降麻官七百戶實封三百戶直學

士以上五百戶實封二百戶舍人待制以上實封一百

戶食邑三百戶封縣開國男五百戶封子七百戶封伯

千戶封郡侯二千戶封公千五百戶以上始加實封惟

將相食邑萬戶即開國景祐三年詔春秋秦漢以來下

及皇朝所封舊名別分大次小三等以為定制焉

趙至唐為

大國相至涼為次國
江勝至潤華為小國慶歷七年詔使相未滿萬戶皆

得封杜衍皇屬特封郡縣公或贈侯者無開國字又采


特宣

秦制賜民爵曰公士其王公以下封國之名舊有大次
小三等以為進封之叙然每封拜又有權升次小國為
大國者 元豐三年九月十七日詔見任宰相使相食
邑實封通及萬戶前宰相食邑及萬戶封公閏九月御
史言曹佾以外戚封郡王祖宗以來未有佾比

嘉祐封崇義公

嘉祐四年四月癸酉詔以柴氏後為崇義公奉周祀給
公田十頃先是著佐何禹言宜訪唐周苗裔備二王後

禮院議唐世已遠惟周義不可廢遂封崇詠
世宗後朝孫也
有大禮則入侍祠



玉海卷一百三十四